

Path.

189

m

DE
EXANTHEMATE,
VULGO
VARIOLARUM VACCINARUM
NOMINE INSIGNITO
COMMENTARIUS.

R
SCRIPT

CAROLUS GOTTLOB KÜHN

PHIL. AC MED. DOCT. ANAT. ET CHIRURG. P. P. E. SOC. OECON.
LIPS. ACADEM. SCIENT. DIVIONENSIS, SOC. MEDICOR. PER HEL-
VETIAM CORRESPOND. SYDENHAMICAE, ET LATINAE JE-
NENS. SOCIUS

PARTICULA I.

LIPSIAE
IMPENSIS BIBLIOPOLII SCHAEFERIANI
MDCCLXII

VARIOLOARUM VACCINARUM

NOMINE INSIGNITO

COMMITTARUS

SCRIPTIT

CAROLUS GOTTFRIED KÜHN

PHIL. AC. MED. DOCT. HONOR. E. P. E. SOC. ORDO.
LIT. ACAD. SCI. HONOR. SOC. MEDICOR. LIT. HEL.
LIT. AC. MED. DOCT. HONOR. E. P. E. SOC. ORDO.
LIT. ACAD. SCI. HONOR. SOC. MEDICOR. LIT. HEL.

PARTICULAR

LIPSIÆ

IMPRÆSSIS BIBLIOTHECÆ SCHÆFERIANÆ

1811

Ad Lectorem Benevolum.

Praeter meam opinionem huic libello, qui maximam partem eo consilio conscriptus est, ut eius defensione publica locum in ordine medicorum Lipsiensi mihi vindicarem, contigit, ut frequentius, quam eiusmodi libelli academici solent, expeteretur. Quamobrem putavi, haud ingratum multis fore, si eundem auctorem cum orbe literario communicarem sic, ut facilius quam dissertationes academicae a quolibet comparari posset.

De nomine, quod variolis vaccinis commode impertiri possit, diu sollicitus fui, sed frustra. Amicissimus HEBENSTREITUS, qui hanc meam sollicitudinem pro eius in me amore levare cupiebat, commendavit nomen GLAUCINES, quo, a coeruleo colore, huic exanthemati peculiari, morbum vac-cino-variolosum insigniri omnium commodissime putavit. Sed nec hoc omnino placuit nomen, quamquam haud nego, aptius excogitatum esse, quam quod hucusque invaluit variolarum vaccinarum. Probe enim intelligo, hanc denominationem variarum obiectionum contra insitionem morbi huius prolatarum originem fuisse et quasi fontem. Ad quas quidem Müllerianae et Herzianae inprimis perti-

ment. Sed hac de re cum ulterior disputandi opportunitas in altera huius libelli parte occurret, aliquid nunc nolo addere.

Experimenta inoculationis vaccino-variolosae maximo-
pere multiplicata sunt. De qua quidem re uti laetari oportuit, ita, cum quam plurimi haud idonea morbi ipsius, cuius venenum insitione cum aliis communicabant, cognitione imbuti, huic negotio perficiendo incumberent, non potuit non fieri, quin multi a variolarum contagio insitione vaccino-variolosa securi quidem, minime autem ob morbi posterioris imperfectum decursum tuti redderentur. Cuius rei ii medici auctores suavesque sunt censendi, qui publice declarabant, omne insitionis negotium tunc demum bene successurum esse, cum illud medicorum manibus ereptum femellis aliisque artis medicae cognitione rudibus ac imperitis traditum fuerit. Sapientissime igitur principes atque magistratus nunc hanc inferendi morbi vaccino-variolosi libertatem seu potius licentiam legibus regere, atque intra iustos limites coercere constituerunt. De quibus legibus, quae propediem forte etiam in nostra Saxonia promulgabuntur, referam in continuatione huius dissertationis. Lipsiae Idibus Sept. c1771 ccc1.

I n t r o d u c t i o.

Ex quo variolarum morbus propter insignem hominum stragem ¹⁾, quam quovis anno edit, medicorum, nec medicorum solum, sed et principum magistratuumque attentionem excitavit, variae viae ac rationes propositae sunt, quibus perniciosissima huius morbi pestis coerceri, atque penitus e politioribus terris excludi queat. Quarum quidem nisi omnes, plurimas tamen hoc loco indicare, et an ad propositum finem ducant, nec ne, disquirere neque vacat, neque lubet, inprimis cum eae a FR. GEO. AUG. BOUCHHOLTZIO ²⁾ inde a seculi XVII. initio, quo CLAUD. CHANVEL primum de extirpandis variolis consilium evulgavit, usque ad Ill.

1) Cel. MOURGUES (*Essai de Statistique*) e tabulis publicis, in quas omnis mortuorum numerus refertur, Montispeffulani annis 1774, 1778 et 1785 e III3 hominibus, sacro functis, 421 variolarum contagio fuisse enecatos probat. Unde patet, e 371 hominibus, qui quotannis ibidem moriebantur, 140 $\frac{1}{3}$ a variolis esse interfectos. POTTINUS (*annuaire du Bas-Rhin*) ostendit, anno VIII. reipublicae Gallicae e pago Rheni inferioris 2170 homines e vita decessisse, inter quos 158 variolosi fuerunt. Gallia, qua nunc patent eius fines, quolibet anno, quem *medium* arithmetici adpellant, 90 millia civium morte amittit, cuius iacturae insignis potentissima causa in variolis deprehenditur, quae 64,285 5/7 homines neci dederunt. — Germaniae quotannis 70,000, totique Europae 400,000 homines variolis eripiuntur. Conf. Jo. Ch. W. JUNCKER'S *Archiv der Aerzte &c. wider die Pockennoth*. St. I. p. 57.

2) *Analecta de variolis*. Spec. I. Götting. 1790. 8. p. 81—112.

HUFELANDII tempora diligentissime sunt enumeratae. Novissimis temporibus innotuit, JENNERI imprimis studiis, alia adhuc ratio, variolas exstirpandi, faciliior illa ipsa harum inoculatione, adeoque a medicis omnium fere nationum maximo cum plausu excepta. Variolas puta vaccinas. Cuius quidem morbi primam in Anglia apparitionem aequae ignoramus ac veram eius originem ³⁾. Etenim maximo senio confecti homines declararunt, teste JENNERO, se morbi huius notitiam iam habuisse admodum iuvenes, nec audivisse unquam, quod illo tempore de huius morbi invasione tanquam de re nova sermones fuerint facti ⁴⁾. Neque vero minus bene hanc variolarum vaccinarum naturam, qua variolarum contagio resistunt, cognoverant illi senes depontani; sed hac ipsa experientia fruebantur sine laudum strepitu, uti aliis naturae liberalitate ipsis tributis bonis. E qua quidem umbra, tam utilem humano generi vim variolarum vaccinarum occultante, in lucem meridianam eas protraxit EDUARD. JENNERUS, qui anno superioris seculi nonagesimo octavo publici iuris fecit libellum, quo sua hac de re diligentissime instituta experimenta collectasque observationes divulgavit. Vix dici potest, quantam animorum intentionem haec res excitaverit, et quantopere invicem certaverint omnium regionum medici, ut aut experimenta Jenneriana repeterent, et de illorum certitudine sese redderent certiores, aut quid alii experiundo didicerint, colligendo ordinandoque scriptis vernaculis enunciarent, magisque in publicam verterent utilitatem.

Quorum quidem libellorum largum proventum si ego, ex quo me ad scribendum hoc de argumento accingebam, prospexissem, profecto non auxissem meo. Tot enim cum in Anglia, tum in Gallia et cum maxime in Germania nostra evolarunt, ut ab eorum multitudine paene

3) Antiquitates huius morbi ad seculum usque sextum a Ch. N. persecutus est Vir Doctus, nomen suum litera *M.* abscondens, in *Neuen teutschen Merkur* 1801. p. 320. St. IV. Laudavit is ex MARI, episcopi primi Losannensis, *annalibus* A. 570 hunc locum: *Hoc anno morbus validus cum profluvio et variola Italiam Galliamque valde adflixit. Et animalia bubula maxime per ea loca interierunt.* Sed dubito, quin locus hic omni dubio eripi possit.

4) *Disquis. de causis et effectibus variolarum vaccinarum.* Ex. Angl. in lat. conversa ab ALOYS. CARENO. C. fig. col. Vindob. 1799. 4. p. 20.

3
obrueretur. Nolui tamen id tempus, quod legendo excerpendoque consum-
feram, plane perdere. Quam ob rem rogo Lectores benevolos, velint et
hoc benevolentiae documentum mihi exhibere, ut mihi hanc argumenti
toties iam pertractati retractationem condonent.

Liceat autem ea, quae hic illic de variolis vaccinis dispersa legi, ita
ordinare, ut primo varias de origine morbi opiniones enarrem, deinde
morbi exhibeam cum veri, tum spurii descriptionem; cui symptomata sub-
iungam peculiaria quaedam, praecipuam animi attentionem merentia, at-
que differentias inter morbum vaccino-variolosum et variolas interceden-
tes. Quibus expositis commoda commemorabo cum inoculatione morbi
vaccino-variolosi coniuncta, inter quae hoc primarium est, ut eius bene-
ficio a variolis defendi possimus. Cum autem et adversarii extiterint, qui
variis armis contra variolas vaccinas depugnauerint, haec arma accura-
tius considerare constitui. Inquisivi igitur in argumenta, quibus effica-
ciam morbi vaccino-variolosi contra variolas aut in dubium vocare, aut
penitus negare studuerunt medici, et quid contra moneri possit, attuli.
Tum et subieci praecipua curationis momenta, quae morbo vaccino-va-
rioloso adhiberi et potest et debet. Denique et catalogum adieci omni-
um, quae in meam venerunt notitiam, de variolis vaccinis dissertatio-
num, siue singulares libros efficiebant, siue aliis libris, inprimis diariis
scriptisque periodicis, continebantur, et regionum, quarum medici mor-
bo vaccino-varioloso tanquam efficacissimo adversus variolas remedio usi
sunt et adhuc utuntur.

§. I.

De morbi vaccino-variolosi origine.

Inter morbos pecudum nuper is magna animorum attentione dignus indicatus est, qui vaccarum lac praebentium ubera, imprimisque papillas obfidet, et ob similitudinem cum variolis *variolarum anglicarum, variolarum vaccinarum, variolarum lactearum, variolarum defendentium, morbi vaccino-variolosi*, nomine insignitae sunt ¹⁾. Pustulae, quarum color e coeruleo albidus, aut coeruleus, aut e coeruleo in rubrum vergens seu lividus, aut plerumque sordide flavo-coeruleus seu plumbeus esse solet, areola seu circulo lato, ex inflammatione erysipelacea rubicundo, circumdatae sunt, materiemque glaucam, aut fuscam continent, quam, cum brevi disrumpantur, effundunt; quo facto exsiccatae crustam formant, aliquot diebus post sponte sua excidentem. Haec exanthemata efflorescunt solemnemque decursum servant, febriculam excitant, lactisque secretionem imminuunt; cumque mere localia sint, nec ultra uberum superficiem diffundantur, et hac ipsa re, et mitiori omnium symptomatum natura, et denique contagio neque vitulos, neque boves, neque vaccae ipsas, quae nondum conceperunt ²⁾, attingente maximopere differunt a peste sic dicta bovina.

1) Angli morbum vocarunt *Cow-pox* aut *Cow-pock*, aut *Vaccine-pock* aut *the Vaccine*; (conf. PEARSON *Untersuchungen* p. 123. sequi et *Phys. medic. Journ.* 1800. p. 659.) Galli *La vaccine*, aut, sic iubente J. S. VAUME (*Reflexions sur la nouv. méth. d'inoculer la petite vérole avec le virus des vaches. Par an VIII. 8. p. 1.*), *la vachine*. Vide et de Synonymia morbi Exper. OSIANDER (*Abh. über die Kuhpocken.* p. 22. sequ.).

2) WOODVILLIO teste. Cuius quidem phaenomeni causam vir doctus, qui WOODVILLII librum in *Medical Review and Magazine* indicavit, reperisse sibi vitus est.

In Angliae partibus occidentalibus, imprimisque in ducatu Glocesteriensi primum innotuere variolae vaccinae, pratis laetissime virentibus, atque ingentibus pecorum gregibus diviti. Inde de hoc morbo ad terram continentem rumores percrebuerunt, medicique ad eius investigationem invitati sunt. Quo factum est, ut in variis Germaniae.³⁾ Galliaeque regionibus non solum morbi huius, qui antea Angliae endemius credebatur, praesentia detegeretur, sed etiam hoc extra omnem dubitationem poneretur, homines, qui rus colunt hisce in terris, optime cognitam habere virtutem variolarum vaccinarum, qua varioloso contagio resistent.

De morbi autem huius origine variae sunt medicorum sive opiniones, sive sententiae, in quibus ea, quam JENNERUS fovit, si non omnium prima, tamen in primis ponenda est. Atque hic quidem, modo ad ipsum tanquam ad primum auctorem haec opinio referenda est⁴⁾, morbi originem derivandam existimavit a materia redundante illa ex malignis equinarum ungularum ulceribus, ob tenacem, unguinosam et quasi pinguedinosam materiam, in eorum superficie secretam, ab Anglis *the Grease* nominatis⁵⁾, eamque opinionem variis argumentis probabilem reddere studuit⁶⁾, in quibus haec praecipua. Primum observarat, morbum

aut in praedispositione quadam vaccarum mulctrariarum, aut in communicandi cum vitulis, bobus etc. mulgentium ope veneni defectu.

3) BALLHORN et STROMEYER *Traité de l'inoculation etc.* p. 34. not. SYBELIUS *über Kuhpocken*, p. 37. ff. HELLWAGIUS *Nordisch. Archiv* I. 3. NISSENUS *Schleswig-Holstein. Blätt. f. Polic. u. Cult.* 1799. St. 6. OSIANDER I. c. p. 31. ff.

4) Videtur enim ipse JENNERUS (*Untersuchung. über die Ursachen und Wirkungen der Kuhpocken.* Hannover 1799. 8. p. 135.) eam chirurgo DOLLANDO tribuere. Certi tamen quid hac de re nolo definire, cum hoc ipso loco insigniter a se invicem recedant Jenneriani libelli versiones latina et germanica.

5) Nos morbum hunc vocamus *die Mauke*, de quo nuper diligenter expositum est: in F. N. ROHLWES *Magazin für die Thierarzneykunst.* 1801. Quart. II.

6) *Disquis. de causis et effect. variol. vaccinar.* Vindob. 799. 4. p. 51.

illum vaccino-variolosum iis in praediis erumpere, ubi equi istis ulceribus laborabant, et qui eos curabant, simul operi lactario mulgendisque vaccis adhibebantur ⁷⁾. Tum audierat, fabros ferrarios, qui ruri equorum quoque morbos curant adeoque etiam illa, quae diximus, ulcera tractant, aut contagio varioloso omnino non tentari, aut si tententur, morbum benignissimum experiri. Cuius phaenomeni causam adscribendam putabat illius materiae ulcerosae, sive per resorptionem cutaneam sive per vulnus corpori humano illatae, virtuti cuidam singulari, per quam variolarum venenum vi privaretur sua. Neque tamen ea in re sibi adficientem habuit Exp. ODIERIUM, quippe qui in ferreis particulis ab illorum hominum cute absorptis omnem securitatis a varioloso contagio causam quaerendam esse coniicit ⁸⁾. Denique suae opinionis praesidium JENNERUS invenisse sibi videtur in eo, quod pustula in brachio pueri, cui materies ista equina per inoculationem inserta erat, enata, eodem erat habitu externo, et eundem, quem variolae vaccinae, decursum tenebat, ita, ut etiam universalis morbi symptomata consequerentur.

Quod vero reliqua argumenta a JENNERO hanc in rem allata attinet, ea etiam minoris esse ponderis minorisque ad persuadendum efficaciae mihi quidem videntur. Nam quod inde desumfit, quod morbus vaccino-variolosus iis in regionibus incognitus sit, in quibus non iidem homines, quibus equorum curandorum officium demandatum est, etiam vaccis mulgendis inserviunt, ut in Hibernia et Scotia ⁹⁾, id refutatur observatione regionum, equis alendis divitum, in quibus quamquam utraque provincia a se invicem seiuncta, illa maribus solis, haec non nisi feminis demandata est, tamen morbus vaccino-variolosus endemius occurrit, Holstatiam ¹⁰⁾ intelligo et ducatum Megalopolitanum. Neque vero plus pon-

7) Cuius quidem argumenti levitatem ostendit WOODVILLIUS (*Beschreibung einer Reihe von Kuhpocken-Impf.* p. 7. seq.).

8) Vid. Jenneriani libelli version lat. p. 29.

9) L. c. p. 47. vs. lat.

10) Cs. Exper. CHRH. FR. HELLWAG, medicus Eutimensis, in *Nordisch. Archiv* L. 3. p. 384.

deris attribuam partim testimoniis, ad quae JENNERUS provocat ¹¹⁾, hominum aut veterinariam medicinam vulgo facientium: horum enim observandi facultas arctis admodum limitibus circumscripta esse solet; partim observationi, qua detectum fuisse dicitur, quosdam homines ab ulcerosis equorum ungulis ita infectos, ut pustulae inde in ulcus abeuntes in eorum manibus progignerentur, a contagio varioloso aequae liberos persistere, ac eos, qui morbo varioloso laborarunt. Sed huius observationis vanitatem ipse JENNERUS (*l. c.* p. 53. vers. lat.) agnoscere videtur, contendens, male a quibusdam utrumque morbum, cum eum, quo ex equinarum ungularum ulcere, tum illum, quo ex variolis vaccinis homines corripiantur, eodem vaccino-variolosi nomine insigniri, nec priorem omnino securos reddere eos ab infectione variolosa ¹²⁾. Denique nec temporis convenientia, quo uterque morbus et equorum et vaccarum sese manifestare solet, (vere enim ac tempestate humida uterque frequentius occurrere dicitur) firmum pro illa sententia seu potius opinione argumentum praebet, qua uterque morbus eiusdem naturae ac indolis esse dicitur ¹³⁾.

Quae quidem de origine morbi vaccino-variolosi sententia JENNERI multos in Anglia, tum et extra eam adversarios invenit. Inter quos primum locum mihi occupare videtur PEARSONUS ¹⁴⁾, his argumentis usus, quod 1) morbus in multis villis subito inter vaccas erumpat, licet neque aliunde vaccae advenissent ullae, quae morbi fomitem secum ad-

11) Vid. *Medic. phys. Journ. nach BRADLEY und WILICH.* 1800. p. 26. 28. 31. ff. ac D. REGGE in *Lond. medic. Review* 1800. Nov. p. 36. a me germanice versa in scriptiuncula: *Die Kuhpocken, ein Mittel gegen die natürlichen Blattern.* Leipzig 1801. 8.

12) Vid. hist. 15. a JENNERO descripta.

13) Conf. JENNERUS *l. c.* p. 12 et 16.

14) Vid. Ej. *Untersuch. üb. die Geschichte d. Kuhpocken etc. übersetzt v. J. FR. KÜTT- LINGER.* Nürnberg. 1800. 8. p. 92—94. Praeterea inter adversarios huius opinionis Jennerianae referendus est W. SIMMONS in *Reflexions on the pro- perty of performing the Caesarean operation: to which are added observations on cancer and experiments on the supposed origin of the Kow-pox.* Lond. 799. 8. W. WOOD- VILLE *Beschreib. ein Reihe v. Kuhpocken-Implantungen, übers. v. F. G. FRIESE* Bresl. 1800. 8. p. 6. ff. LAWRENS in *Diario phys. med. (Phys. med. Journ. nach BRADLEY etc.* 1800. p. 83. ff.)

ferre potuissent, neque ab iis mulgerentur, qui equorum curam simul gererent, neque in universum equi, ulceribus ungularum laborantes, in illis villis alerentur; 2) morbus vaccino-variolosus saepe, quamvis in magno eius generationi faventium rerum concursu, tamen non exoriatur. Regiones enim esse, quae praeter copiosissimas vaccarum greges etiam multos equos nutrant, longo in cruribus crine horridos, malignisque ungularum ulceribus obnoxios, quae etsi ab iisdem hominibus mudentur diligenterque, qui et vaccas mulgeant, tamen in harum uberibus nunquam producant ulcera, inter quae et morbum vaccino-variolosum vel levissima intercedat similitudo.

His argumentis tertium adiungi poterat, longe gravissimum, repetitum illud ab experimentis. Nam si verum est, quod JENNERUS, WOODMANN ¹⁵⁾, REGGE alique coniecerunt, morbum vaccino-variolosum a materia ichorosa, quam maligna equorum ulcera suppeditant, derivandum esse, inoculatio illius materiei, in vaccarum uberibus instituta, semper morbum vaccino-variolosum producat, necesse est. Expectationem tamen hanc destituerunt experimenta ¹⁶⁾, cum in Anglia a COLEMANNO, medicinae veterinariae Londini professore, et inter nos satis claro ¹⁷⁾, tum Genevae a SYLVESTRO, medico veterinario percelebri, et Hafniae ab Excell. E. VIBORGIO capta. Hic quidem attrivit foetidissimum pus ex ulceribus ungularum scroto equorum sanorum, cui prius crines abradi erant, nullo contagii effectum. Neque is sese exserebat, cum idem pus aut vulnere inflicto inferretur, aut cannabi illitum scroto alligaretur. Unde videtur haud temere colligi posse, materiam morbosam,

15) PEARSON *l. c.* p. 96.

16) Haud scio, an irritus experimentorum horum exitus recte tribui possit temporis, ad ea instituenda adhibiti, incommoditati. JENNERUS enim *l. c.* p. 37. vers. germ. nondum definire audeat, utrum vaccae ab hoc veneno equino quovis anni tempore infici queant, an solo vere et aestatis initio, quippe quibus tempestatibus vaccae imprimis exanthematibus obnoxiae esse soleant. TANNERUS, e collegio veterinario Londinensi, infectionem vaccarum a materia ichorosa, ex equinarum ungularum malignis ulceribus desumpta, perfecisse ita adserit, ut hanc materiam maiori uberum superficiei applicaret, quam vulgo fieri solet. *Lond. medic. Review and Magaz.* 1800. *Jul.*

17) Vid. WOODVILLE libr. laud. p. 6. LAVATER *Abhandl. v. d. Milchpocken.* p. 30.

quae in corporibus animalium eiusdem speciei ne minimum quidem mali proferre possit, longe minus id effecturam esse in animalium alius generis corporibus.

Praeterea aliud experimentorum genus erat instituendum. Etenim ichor ex ungularum equinarum ulceribus derivatus debebat humano corpori inferi, ut intelligeretur eius in hoc effectus. Id perfecere et W. SIMMONS, chirurgus Anglicus, et Exp. JENSENUS, Danus, quorum ille tribus infantibus sanis ichorem flavescenscentem inoculavit, quem ex inflammata equi ungula hauserat. Loca insitionis brevissimo tempore, h. e. intra septem octove horarum spatium, inflammabantur, inflammata suppurabant; febris aderat, intra biduum denuo cum reliquis symptomatibus penitus evanescens. Hi infantes, quibus postea variolae inferebantur, ab earum contagio nequiquam immunes mansere ¹⁸⁾. Alter, JENSENUS, eandem materiam maxime foetentem infanti repetitis vicibus per leve vulnusculum, in cute apertum, inseruit. Ex qua cum nullum in sanitatem infantis redundaret incommodum, emplastro vesicatorio cuticulam amovit, huicque loco pus ex ulceratis equorum ungulis attrivit. Neque ulcus mali moris inde ortum, neque aliud sanitati damnum illatum. E quibus experimentis idem efficit, ab hac ichorosa materia, in vaccarum ubera insita, nunquam posse morbum vaccino-variolosum prognerari ¹⁹⁾.

Sed alia de morbi vaccino-variolosi origine sententia in medium proferenda et diiudicanda superest. Sunt enim, qui, cum videant, ulcera in vaccarum uberibus tunc sese manifestare, cum lactis copiosior secretio producta est, statuunt, ab huius humoris, quamvis mitis, stimulo ubera irritari, irritata corripri inflammatione, inflammata in suppurationem abire et ulcera efformari, quae variolarum vaccinarum nomine soleant insigniri. Quamquam autem observationis, cum a PEARSONO ²⁰⁾, tum a LAVATERO ²¹⁾ allatae, veritatem in dubium vocare nolo, qua ille Lon-

18) LAVATER l. c. p. 32.

19) Vid. *Nordisches Archiv f. Natur- und Arzneywiss.* Herausgeg. v. Prof. PFAFF und D. SCHEEL. Kopenh. 1800. Th. I. p. 569 seq.

20) L. c. p. 16.

21) Libr. laud. p. 18.

dini, hic autem in praefectura Knonaviensi ad provinciam seu pagum Turicensem pertinente morbum vaccino-variolosum imprimis tunc frequentiore esse accepit, cum vaccae victum hybernum aut tenuem cum herbis recentibus aut pabulo magis nutriente commutaverint, tamen haec ulcera non verum ac genuinum morbum vaccino-variolosum constituere atque efficere puto, cuius plane singularis ac praecipua virtus in eo posita est, ut nos a variolarum contagio reddat securos. Idem statuendum esse videtur et de iis ulceribus, quae in vaccarum uberibus gigni solent, aut ex aliis regionibus, ubi alia fortasse pabuli conditio obtinebat, recens advenarum ²²⁾, aut venum expositarum, quae ut ubera magis turgeant pluresque emtores alliciant, per unum aut aliquot dies non mulgentur ²³⁾, aut denique partu recens enixarum, quibus vel natura sic iubente, vel quoniam victus ipsis lautior magisque nutriens tunc porrigi solet, copiosior lactis secretio contingit ²⁴⁾.

TURNERUS autem cum adsereret, se in ea versari opinione, ut credat, morbum vaccino-variolosum a variolis humanis ortum traxisse suum ²⁵⁾, a COLEMANNO et WOODVILLIO experimentis ad persuadendum aptissimis refutatus esse dicitur Exper. CURTIO SPRENGELIO ²⁶⁾. W. SIMMONSIUS eadem experimenta sine successu repetiit (l. c.), unde recte, OSIANDRO iudice ²⁷⁾, deduxit, a varioloso miasmate nunquam posse in vaccis morbum oriri vaccino-variolosum.

Silentio praetereo aliam de morbi vaccino-variolosi origine opinionem, qua ille a moribus insectorum, quorum neque nomina, neque

22) PEARSONUS l. c. p. 33.

23) JENNER. l. c. p. 46. LAVATER l. c. p. 18.

24) JO. CH. SYBEL'S *Erfahrungen über die Kuhpocken*. Berl. 1801. 8. p. 37. ff. C. R. AIKIN'S *kurze Darstell. d. wichtigst. die Kuhpocken betreff. Thatsachen*. A. d. E. übers. v. F. G. FRIESE Bresl. 1801. 8. p. 7.

25) Vid. *Monthly Magaz.* 1799. Jul. 425.

26) *Kritische Uebersicht d. Zustandes d. Arzneyk. in d. letzt. Jahrzehend*. Halle 1801. 8. p. 476.

27) Vid. Ej. *Ausfuhr. Abhandl. üb. d. Kuhpocken*. Gott. 1801. p. 43.

descriptiones adferuntur ²⁸⁾, derivatur. Nam quamquam haud nego, ab hac causa ulcera quaedam in vaccarum uberibus omnino provenire posse, tamen id nego ac pernego, haec ulcera signis characteristicis convenire cum illis, quae verum morbum vaccino-variolosum efficiunt.

Dum haec typis exscribuntur, lego aliam adhuc morbi vaccino-variolosi causam, ab Exper. HELLWAGIO e mulierculae testimonio commemoratam. Haec enim, quae prope Eutinum villico nupserat, adseverabat, vaccam suam aliquando variolis vaccinis correptam fuisse, cum eodem loco, quo paulo ante lepus variolis leporinis laborans iacuerat, sterneretur. Provocat HELLWAGIUS medicos ad experimenta cum hisce variolis leporinis, vaccarum uberibus inferendis, capienda, ut intelligatur, an verum morbum vacco-variolosum producere queant, nec ne ²⁹⁾.

§. 2.

Descriptio morbi vaccino-variolosi.

Multum interest, eius morbi naturam et decursum accuratissime nosse, a quo auxilium contra dirissimi morbi variolosi furorem nunc haud temere exspectari posse videtur. Quam ob rem multi, qui de variolis vaccinis scripserunt, et hac in re elaborarunt, ut imaginem morbi vaccino-variolosi adumbrarent. Neque tamen vereor, ne rem actam egisse videar, cum eandem descriptionem nunc constituerim denuo exhibere. Etenim nec satis accurate seiuncta esse videntur phaenomena, quae morbum vaccino-variolosum comitantur insitione productum, ab iis, quae morbo eidem propria sunt sponte sua orto, nec variae species seu formae diligenter notatae, quas variolae vaccinae constituunt. Quae quidem posterior disquisitionis pars haud levis momenti res est. Nam nisi summa cum cura ac diligentia hae ipsae a se invicem diversae formae morbi vaccino-variolosi descriptae, nec signa solum, quibus earum quamlibet dignoscere poteris, studiose eruta, sed etiam effectus, quos in corpore humano exferunt, religiose observati fuerint, non possumus unquam certi

28) Vid. *Théorie et pratique de l'inoculation de la vaccine.* Par H. RANQUE. à Par. an IX. 8. p. 71. — AIKIN l. c. p. 6.

29) *Nordisch. Archiv.* B. II. p. 188.

esse vel de observationum ab aliis publicatarum certitudine, vel de nostrorum experimentorum eventu.

Ac recte quidem morbus vaccino-variolosus, qui non nisi in vaccis lac praebentibus occurrit, videtur dividi in *verum* et *spurium*.

S p u r i u s m o r b u s

a) sua sponte in vaccis oriens.

Spurius morbus in vaccis oritur *sua sponte*, nullo contagio, vere imprimis, quando aut victum hybernium cum pabulo gramineo recenti commutant, aut vitulos lactant. Leniorem illum esse iudicat JENNERUS ¹⁾ vero morbo vaccino-variolofo. In qua tamen re hunc medicum sagacissimum non omnino adsecutum esse verum, ea probabunt, quae ab Exper. HELLWAGIO observata paulo post sum prolaturus. Spuriae praeterea variolae vaccinae nulla inflammatione stipatae sunt erysipelacea, neque ulcera relinquunt coloris lividi et phagedaenicae naturae. Corneas partes nunquam penetrant, sed cutis tantum superficiem adficiunt ²⁾. Vaccinae his ulceribus, quae celeriter crusta obteguntur, vexatae neque sensibili modo aegrotant, neque lactis minorem, quam sanae solent, copiam secernunt. A vaccis ad ancillas mulgentes transit quidem hic morbus, minus tamen facile, quam verus. Quae quidem spuriarum variolarum vaccinarum imago, a JENNERO expressa, mihi minus accurata esse videtur, cum variae praeterea deprehendantur vaccino-variolosi morbi formae, multum ab his recedentes, quarum ille neque naturam rimatus est, neque signa characteristica investigavit. Qua in re superatus est ab Exp. NISSENO, medico physico Segebergensi. Is enim duas huius morbi spurii species observavit, utrasque mulgendo contagiosas, et in corpore humano variolas eiusdem coloris et conditionis efficientes, neutras ita benignas, ut inferere corpori humano illas fuerit ausus. Prior harum variolarum species colore nigro erat, numo Holsatico, quem *Schilling* vocant, latior et in apice depressa: pure spisso replebantur pustulae. Ancillae, earum contagio tactae, levi febre, cum ardore, languore, cephalalgia et doloribus in glandulis axillaribus corripiebantur; variolae ipsae ulcera ef-

¹⁾ *Libr. cit.* p. 6. vers. germ.

²⁾ JENNER, l. c. p. 46. vers. lat.

ficiebant dolorifica, rodentia et ad sanandum difficilia ³⁾. Altera species pustulas succinei coloris exhibebat minus latas, quam modo descriptae, repletas ichore subflavo, foetente. Vaccae gravius ab his, quam a nigris illis variolis, aegrotabant; lactis secretionem imminuta. Foetor, cum mulgerentur, tolerari haud poterat, nisi ita venti adflatui exponerentur, ut ista effluvia ab ancillis mulgentibus amoverentur. Materiae huius ichorosa ea erat acrimonia, ut parum abesset, quin ancilla, quae optima uteretur sanitate, ab his variolis infecta, digiti phalange, quam ulcus occupaverat, orbaretur ⁴⁾. His speciebus tertiam addit Exper. HELLWAGIUS (*l. c.*), quam variolas vaccinas flavas appellat. Discrepant hae a duabus praecedentibus et coloris diversitate ⁵⁾, et humoris contenti aquosa natura, et denique omnis contagii absentia ⁶⁾. Quibus omnibus si superius ex JENNERO allatas addiderimus, multis signis ab his tribus discernendas, v. c. inflammationis erysipelaceae defectu, lactis non imminuta secretionem, celeri crustae efformatione cet., quatuor omnino habebimus morbi vaccino-variolosi spurii eiusdemque sponte sua nati formas.

b) *insitione in humana corpora translatus.*

Sed morbus quoque, *insitione in humana corpora translatus*, naturam suam ita interdum immutat, ut verarum variolarum vaccinarum nomine insigniri amplius haud possit. Qua quidem in re eo acrior animorum adversio necessaria est, quo periculiosior in discernenda harum variolarum natura commissus error evadere potest. Nam hae variolarum vac-

3) Eisdem observavit Ill. CHPH. FR. HELLWAG, medicus Eutimensis; vid. Nord. Arch. f. Nat. u. Arzneiw. I. 3. p. 390.

4) Cf. Schleswig-Holsteinische Blätter f. Policy u. Cultur 1799. St. 6.

5) Viderur Celeb. OSIANDER *l. c.* p. 37. coloris diversitati parum tribuere in definiendis variis variolarum vaccinarum speciebus, quippe cum ipse in vaccis, quibuscum Gottingae casu morbus vaccino-variolosus communicatus erat, pustulas deprehendere et cum coeruleas, tum albas, atque etiam subflavas. Sed NISSENUS non ad solum colorem, sed et ad alia respexit momenta, quibus istas species a se invicem recedere intellexit.

6) Has cum coeruleis s. veris solas cognitatas sibi esse testatus est GÜNZELIUS. Vid. Nord. Archiv *l. c.* p. 400.

cinarum species minime ab infectione variolosa securos reddunt, quos ab hac defendere studemus. Harum autem variolarum spuriarum duas formas, et habitu suo externo, et decursu a se invicem diversas, enumerat accuratiusque describit Exp. H. M. HUSSONUS, medicus Parisiensis ⁷⁾; alteram insitione miasmatis vaccino-variolosi in hominibus instituta, qui olim iam variolis laboraverant, alteram irritatione produci adhaerens in hominibus, quibuscum, varioloso contagio nondum infectis, morbi vaccino-variolosi miasma, corruptum illud aut minus efficax, insitione communicatum est. Exper. de CARRO, qui artem Vindobonae exercet, experimenti causa homini, variolis iam olim adfecto, miasma vaccino-variolosum inseruit, unde inflammatio excitabatur die secundo, et pustula irregularis figurae efflorescebat, areola cincta eiusdem et latitudinis et rubedinis, qua vera variola vaccina in conspectum prodit; hoc tantum discrimine inter utramque intercedente, ut illa citius elevaretur, nec in apice foveolam haberet crateriformem, quae nunquam a variola vaccina vera abest. Materia, quam pustula talis continet, per brevissimum temporis spatium limpida, subito in humorem puri similem mutatur, qui si aliis hominibus inseritur, eundem semper morbum producit, adeoque miasma sui generis continere videtur ⁸⁾. —

Altera morbi vaccino-variolosi, spurii eiusdemque arte producti, species efficitur, si inoculatio sicco et in vitri modum duro miasmate vaccino-varioloso instituta est. Tunc enim illud ab initio quidem, uti corpora peregrina solent, in vulneris facti parietes agit; postea tamen, quam ab humoribus adfluentibus emollitum ac solutum est, eosdem fere, quos recens miasma vaccino-variolosum exserit effectus. Eodem igitur aut altero post inoculationem die ea epidermidis pars, quae induratum materiae vaccino-variolosae portiunculam obtegit, elevatur, et e vulnere, cuius ambitus colore vivide rubro tingitur, humor puriformis profluit. Die proximo rubor valde imminutus; epidermidis illa portio magis, quam die antecedente, elevata; in tela cellulosa, vulnusculum ambiente, levis inflammatio; pustula generata rumpitur, funditque pus opacum flavumque;

7) Conf. Ej. *Recherches hist. et med. sur la vaccine.* à Par. an IX. 8. p. 30 — 40.

8) Vid. J. A. AUBERT *Rapport sur la vaccine.* à Paris an VIII. p. 51.

crusta, ab hoc pure exsiccato orta, quinto aut sexto die excidit relinquitque interdum ulcus profundum et ad sanandum difficile. Hoc morbi stadio rubor satis intensus in ipso inoculationis loco, durities quaedam telae cellulosae proxime circumiacentis, intumescencia levior cutis, incrementum areolae periphericae etc. perdurant ⁹⁾. Quae quidem morbi vaccino-variolosi spurii species an insitione propagari queat, nec ne, quaerit HUSSONUS ¹⁰⁾, propria, qua in alterutram partem certi quid definiri queat, experientia destitutus.

His duabus spuriarum variolarum vaccinarum, arte productarum, formis, ab HUSSONO constitutis, addi potest et debet tertia, si causam efficientem respexeris, ab illis diversa. Oritur enim morbus spurius ab adhibito ad inoculationem miasmate, fluido illo quidem, sed five nondum maturuerit, five ob nimis protractam in pustula moram, aut ob aeris etiam liberum accessum corruptum fuerit, inefficaci. Pustulae in loco insitionis nimis cito prorumpunt, et, rubore erysipelaceo, variolae basin cingente, destitutae, mox crusta teguntur. Nolo occupare, ulterius huic rei inhaerendo, ea, quae infra, ubi et de variolarum vaccinarum spuriarum fontibus et de inoculatione sermo erit, de materie vaccino-variolosae selectu occurrent.

Sed haud sufficere videtur in varias huius, de quo sermo est, morbi spurii formas accurate inquisivisse, sed etiam fontes investigandi sunt, unde eius origo repetenda est. His enim detectis poterimus feliciori cum successu opportunitates, quae spem de prospero inoculationis variolarum vaccinarum effectum conceptam eludere possunt, evitare. Quod cum praeclare intelligeret JENNERUS, quatuor enumeravit fontes, unde spuriae variolae vaccinae soleant oriri ¹¹⁾. Et *primum* quidem deprehendisse sibi visus est in pustulis, quae ubera vaccarum interdum obsident, nullo tamen specifico veneno imbutis. Tale exemplum refert ipse JENNERUS (*l. c.*

9) Conf. ODIER in Bibl. Britann. vol. XIV. p. 285. imprimis autem HUSSONUS *l. c.* p. 35.

10) *Libr. cit.* p. 38.

11) *Libr. laud.* p. 42. ff. vers. lat.

p. 45. vers. lat.) ancillae, e pustulis albis, quae in uberibus trium vaccarum copiose effloruerant, tria aut quatuor in quolibet utriusque manus digito ulcuscula contrahentis, manibus brachiisque inflammatis, nulla alia corporis aegritudine praesente. Paulo post variolis correpta vix evasit mortem. *Deinde* et morbi vaccino-variolosi spurii causam esse statuebat materiem, quae quidem etsi ab initio venenum specificum continebat, tamen postea aut putredine, aut alia, sensus nostros fugiente, ratione dissoluta est et decomposita. Huc exemplum villici pertinet, ab INGENHOUSSIO ¹²⁾ publicatum, qui quamquam morbo iam vaccino-varioloso laboravisse sibi videbatur, tamen variolis corripiebatur, unde adversarii novae variolarum pestem coercendi viae ac rationis argumentum contra huius remedii inefficaciam nimia cum animorum fiducia repetebant. Nam cum aegrotus fateretur, se morbum vaccino-variolosum olim ab uberum contractatione, odorem admodum foetidum exhalantium, contraxisse, facile inde colligi et potest et debet, aut variolas vaccinas illas ad spuriarum genus referendas fuisse, aut putredinis effectu venenum vaccino-variolosum ita immutatum, ut vim amitteret, morbum vaccino-variolosum verum producendi. *Tertium* fontem ponit JENNERUS in materia ex ulcere antiquo desumpta, quamquam hoc ulcus a veris variolis vaccinis originem traxit. Recte igitur Cel. ODIER suavit, ut ne inoculatio cum pure opaco et spissiore, quod sub crusta iam formata latet, institueretur: ipsum enim experientia edoctum fuisse, ab eiusmodi pure symptomata originem trahere, quae praecocis irritationis localis indicia sint, atque pustularum efflorescentiam comitentur, variolis vaccinis spuris simillarum ¹³⁾. Idem Exper. BALLHORNUS et STRÖMEYERUS, chirurgus Hannoveranus, experti sunt ¹⁴⁾. Quae quidem efficaciae destructio, diuturna supuratione effecta, veneno vaccino-varioloso communis est cum miasmate varioloso, quod eadem ita immutari constat, ut inde variolae spuriae ori-

¹²⁾ Vid. JENNERI l. c. p. 49.

¹³⁾ Vid. *Réueil de memoir. d'observat. et expériences sur l'inoculation de la Vaccine.* à Par. an IX. 8. p. 22. et *Die Kuhpocken, ein Mittel gegen die natürlichen Blattern.* p. 83.

¹⁴⁾ *Traité d'inoculation vaccine.* à Leips. 1801. 8. p. 65.

antur ¹⁵). Denique et causam, unde frequentius spuriae variolae vaccinae provenirent, reperisse putabat JENNERUS in materia, quae post inflammationem a contactu ichoris purulenti foetidique, quem maligna equinarum ungularum ulcera fundere solent, in cute humana generatur; quae materia ubi eo consilio aliis corporibus inferitur, ut variolae vaccinae inde oriantur, spurii originem praebet. Nolo huius causae insufficientiam multis ostendere, inprimis cum luculentissime pateat, effecta ab illa materia mere localia esse, quae a sola irritatione humoris acris ac purulenti pendeant. Potiori iure debebat JENNERUS ad perversam medicorum nonnullorum consuetudinem respicere, — certiore morbi vaccino-variolosi spurii causam, — quae e pustulis, magna interdum copia totam corporis aegrotorum superficiem obtegentibus, inoculationis materiem desumunt, persuasi, hoc modo leniorem posse produci morbum. In qua quidem re haud decipiuntur; nam lenior est morbus, hac via generatus, idem vero in contagio varioloso supprimendo etiam plane inefficax. Praeter has a JENNERO allatas causas spuriarum variolarum, insitione progenitarum, alias adhuc commemoravit Exp. KREYSIGIUS, qui diligenter in hanc rem inquisivit ¹⁶). Accusandos enim hac de re putat nunc homines ipsos, quibus miasma vaccino-variolosum inoculatum est, nunc lymphae nimis aquosam naturam, nunc pustulam vaccino-variolosam, nimium a corpore illo, quo miasma excipitur, irritatam, nunc denique viam ac rationem, qua insitio perfecta est. Nam si cutis nimium sensibilis a miasmate vehementius adficitur, aut plures ad vulnus inflictum humores lymphatici adfluunt, quibus miasma ita diluitur, ut genuinam variolam vaccinam producere nequeat, aut reactio cutis vulneratae nimia immutat miasmatis naturam. Vtraque haec conditio rationem continet causae secundae et tertiae, a quibus KREYSIGIUS variolarum vaccinarum spuriarum originem derivabat. Etenim nimium aquosa indoles lymphae, ex insitionis pustula haustae, impedit, quominus miasma, cuius tam lenis natura est, effectus exserat suos. Idem quoque efficitur, si et irritatio nimia

¹⁵) Conf. EARLE ap. JENNERUM l. c. p. 47. KEATE in act. societ. med. Londin. Tom. IV. p. 114. et eos, quos Exper. interpretes CULLENII commemoravit *Ansangsgr. d. pract. Arzneyk. Dritte Ausg. Leipz. 1800. Vol. II. p. 70.*

¹⁶) *Neues Wittenb. Wochenbl. 1801. No. 21. p. 166.*

praeter modum auxit vulneratae partis reactionem, qua indoles miasmatis vaccino-variolosi corrumpitur, et inoculatio ope vesicatorii instituta est. Quam ob rem neutri materiae fidendum est multum.

Morbus vaccino-variolosus verus

a) *in vaccis sua sponte et in hominibus contagio fortuito natus.*

Jam exhibita morbi vaccino-variolosi spurii, cum sponte sua nati, tum infitione producti, descriptione, liceat et addere imaginem eiusdem morbi veri ac genuini. Atque in vaccarum quidem uberibus, uti supra iam breviter monui, solet is apparere sub forma pustularum irregularis figurae, coloris ab initio coerulei, paulo post lividi, inflammatione erysipelacea cinctarum, et in apicibus foveolam exhibentium, ita depressam, ut pustulae infundibuli referant figuram. Hae pustulae, maiores semper iis, quae infitione proliciuntur, nisi mature aptis medicamentis tractentur, v. c. vitriolo cupri aut zinci aqua soluto¹⁷⁾, degenerant in ulcera mali moris, late saepe serpentina: vaccae magis aegrotant, alacritate pristina privantur atque minorem lactis copiam secernunt. Contagio transit hic morbus ad eos, qui has aegrotas vaccas mulgent, quorum in manibus, maximam partem ad articulos et in apicibus digitorum, maculae ab initio inflammatae prodeunt, in pustulas sese sensim attollentes, brevique in suppurationem abeuntes. Pustularum et color et habitus plane convenit cum iis, quas in vaccis obvias commemoravi. Glandulae subaxillares cum dolore intumescunt: febris universalis incenditur, symptomatibus maxime communibus stipata, v. c. horripilationibus, aestu, languore, doloribus artuum, vomituritione, cephalalgia adeoque interdum deliriis. Quae quidem aegroti corporis phaenomena pro varia eiusdem et aetate et constitutione nunc intensiora sunt, nunc remissiora. Plerumque tamen aegroti ita valent, ut solitis negotiis vacare queant. A manibus saepe ad alias corporis partes con-

17) In Holsatia applicatur remedium constans e partibus aequalibus VI essentiae myrrhae et aloes, e parte una extracti saturni, etc. camphorae in pulverem redactae partibus tribus. Ab alio medico veterinario ibidem commendabatur usus internus decoctarum cum cerivisia, radicum Pimpinellae, Sassaaparillae et nardi indici, si recte intelliguntur nomina indigena et vulgaria. Vid. Nerd, Archiv, Vol. I. 3. p. 395.

tactu venenum vaccino-variolosum transfertur, ita, ut in labiis, naso, fronte etc. tales conspiciantur pustulae ¹⁸⁾).

b) *in hominibus insitione productus.*

Qui ab hisce variolis vaccinis genuinis producitur insitione morbus, solet multo lenior esse, adeo, ut et Exper. ODIERUS ¹⁹⁾ contendat, vehementiam morbi vaccino-variolosi, praesertim in infantibus tenellis, ratione esse eadem ad vehementiam variolarum insitarum, qua hae sunt ad variolas naturales, et LAVATERUS ²⁰⁾ in novissima variolarum epidemia, quae Turici et per omnem omnino Helvetiam grassabatur, et tertium quemque infantem morti tradebat, cum variolas tum fortuito homines invadentes, tum arte in iis prolicitas, tum denique morbum vaccino-variolosum, simul tractaret, observavit, infantes gravissime a morbo vaccino-varioloso adfectos nondum ita aegrotasse, ut illi, qui levissime e variolis insitis decumbebant. — Huius igitur morbi vaccino-variolosi arte producti decursum sic semper constantem, ut, qui semel eum observaverit, centies eum observasse iudicetur ab Exper. de CARRO ²¹⁾, cum accuratissime descripserint Exper. BALLHORNIIUS et STROMEYERUS chirurgus, liceat eorum vestigia hac in re sequi, adpersis iis, quae ab aliis aliter sunt observata. Et *secundo* ab inoculatione instituta die prodire aiunt in insitionis loco puncta rubra, similia illis, quae a morfu pulicum remanere solent, intra quae incisiones factae distingui possunt. Exper. de CARRO ²²⁾ autem hoc solum tempus differre adserit, quo rubor puncturarum seu incisionum primum se manifestet. Qua quidem in re et alios secum consentientes habet medicos, e quibus unum excito HUSSONUM, qui ad tertium usque aut quartum diem plane nihil in cute observari posse

18) Cf. LAVATER's *Abhandl. v. d. Mitlebblattern.* p. 19. 20.

19) *Die Kuhpocken, ein Mittel* etc. p. 74.

20) L. I. p. 28.

21) In epist. ad Exper. BALLHORNIIUM scripta. Vid. hujus *Traité de l'inoculation vaccine.* p. 130.

22) L. c.

adferit, quod introducti veneni efficaciam ullo modo prodat ²³). Lipsiae observatum est, maculas has rubras tertio, quartove die cum iam de inoculationis efficacia desperaretur, subito in conspectum venisse. Cuius quidem nunc promptioris, nunc tardioris macularum efflorescentiae causa videtur repetenda esse a cutis nunc tenerioris, nunc densioris conditione. *Tertio* die eundem esse vulnerati propter insitionem loci adspectum, hac solummodo differentia, ut interdum in ipso vulnerum loco nodulus in conspectum prodeat, qui forte ab irritato per miasma vaccino-variolosum vase lymphatico originem ducat suam. *Quarto* die in cutis contextu, quae marginem parvae cicatriculae efformet, levem duritiem tactu detegi posse, quae in tumorem coloris pallide rubri exiguum exsurgat, et *quinto* die mole sua ita augeatur, ut apex foveolam repraesentet infundibuliformem, infectionis successurae certissimum signum. Hoc ipso morbi tempore plures aegroti male se habent ²⁴); manuum volae calent; somnus inquietus; transpiratio aucta; facies pallida. Quae quidem turbatae sanitatis signa pro varia irritabilitatis in aegroto corpore conspicuae ratione, et materiae, quacum inoculatio instituta est, efficacia solent et vehementia et apparitionis tempore variare ²⁵). Etenim in nonnullis aegrotis hoc ipso tempore plane nihil observare licet, quod imminutam indicet sanitatem; in aliis symptomata modo enumerata sexto demum aut septimo oriuntur die.

Sexto die tumor ille exiguus, in pustulae speciem iam nunc abiens, paulo magis auctus, foveolam apicis profundioram ostendit, aegrotique, teste JENNERO ²⁶), de doloribus in glandulis subaxillaribus et de vomitu conqueruntur.

Septimo die pustula, iamiam lymphae exiguae continens quantitatem, coloris est languide rubri, fere pellucidi. Quod pustulae incrementum per dies quatuor sequentes procedit. Foveola evanescit: tota pu-

²³) *Libr. laud.* p. 25.

²⁴) Cuius quidem aegritudinis initium ad sextum diem retulit JENNERUS *l. c.* observ. 21.

²⁵) Conf. primam apud LAVATERUM *l. c.* p. 22. ff. morbi historiam.

²⁶) *Libr. citat.* p. 13. Hic tamen dolor in alio aegroto sese die demum septimo exerebat, eodem JENNERO referente *l. c.* p. 12.

stula, lymphae limpidae plena, peripherico rubore, admodum vivido, cingitur ²⁷⁾, per duos aut tres pollices excurrente, quando duo aut tria brachio inflicta sunt vulnera. Hanc inflammationem periphericam, cum febricula incipientem, die nono oriri adseruit Exper. de CARRO ²⁸⁾. Pars inflammata durefcit atque intumescit. Glandulae subaxillares cum dolore (quamquam non semper) paululum intumescunt; qui tumor, haud dubie medici culpa, ad vestimentorum brachium tegentium rationem non satis respicientis, interdum adeo omni resolutioni resistit, ut suppuratio consequatur ²⁹⁾. Febris incenditur vaccino-variolosa, quae se calore saepius non nisi manuum, interdum autem universi corporis, atque somno, per duas tresve noctes inquieto, prodit ³⁰⁾. Rarissime febris vehementia maior esse solet: nec tamen est, quod et a vehementiore timeas febre. Nam solet multum imminui et intra solitos coerceri fines exhibita salium purgantium dosi ³¹⁾. Transpiratio aucta; facies nisi iam antea pallida fuerit, nunc hoc colore tincta; infantibus tenellis alacritas corporis deficit, ita, ut gestari semper velint. Interdum tussicula et levis diarrhoea accedit, cuius causa fortasse a refrigerio diaetaeque erroribus repetenda est. ZIEGLERUS in epistola ad BALLHORNIIUM ³²⁾ observatam fuisse adserit, cum XXX fere infantes inoculasset, altero die a febris vaccino-variolosae cessatione diarrhoeam validam, foetentem, pituitosam et interdum adeo sanguineam, nec ullum aegrotum, hac diarrhoea vexatum, eruptioni illi subsequenti obnoxium fuisse, quae *rubeolis* sit similis. (Phaenomena diei noni et decimi solent nunc citius, nunc serius contingere).

Duodecimo die peripherica pustulae inflammatio plerumque imminui solet. Qua quidem in re peculiare quid videtur locum habere. Nam

27) LAVATER. *Abhandl. üb. d. Milchblatt.* p. 22.

28) In epistola laudata ad BALLHORNIIUM. Vid. Ej. *Traité etc.* p. 130

29) Vid. Illustr. HELLWAGIUM, tale exemplum narrantem in *Nord. Archiv.* I. p. 435.

30) R. REDFEARN in *Phys. med. Journ.* 1800. p. 347.

31) Usus est hac via ROB. HOLT, verbi divini apud Finmerenses in comitatu Buckinghamensi minister. Vid. *Phys. med. Journ.* 1800. p. 844 ff.

32) *Traité de l'inoc. vacc.* p. 135. Eandem diarrhoeam cum aucta urinae secretionem observavit BOERNERUS chirurgus die duodecimo in Stocchia, quae postea variolis malignis extincta est.

erysipelatis ruborem constat a peripheria ad centrum sensim sensimque decrescere; contra ea rubedinis erysipelaceae, qua pustula vaccino-variolosa circumdata est, margo videtur et tunc demum conspicuus manere, cum remotiores partes ad naturalem cutis colorem iam redierunt. — Pustularum color albidus in flavum vergit; variolarum habitum exuunt atque corneam quasi conditionem sibi vindicant, in maiorem altitudinem exsertae et exsiccatae conspiciuntur pruritumque efficiunt; in earum fastigiis crustula rotunda, tenuis, nec asperitate aliqua inaequalis ³³⁾ formatur, interdum iam die antecedenti, interdum decimo tertio demum in conspectum veniens, quae quo magis expandatur, eo magis inflammationem periphericam decrescere auctor est Exper. de CARRO ³⁴⁾.

Die *decimo tertio* et *quarto* pustulae penitus obtectae sunt crusta flava, in fuscum aut brunneum colorem abeunte. Febris nulla amplius vestigia. Rubedo peripherica, pustulam cingens, fere tota evanescit.

Diebus proxime insequentibus, inprimis decimo sexto, crustae, quae indies sicciiores et duriores nigriorem induunt colorem, excidere incipiunt, nonnisi tamen praevia suppuratione. Liberata ab iis loca rubent, nec foveam formant, qualem variolae solent relinquere. Ultimae crustarum reliquiae interdum die tandem tricesimo separantur ³⁵⁾.

Intra diem decimum tertium et octavum, raro prius, interdum in trunco, facie et prae ceteris in antibrachio efflorescentia illa prodit, de qua paragrapho proxima plura dicenda erunt. Quam quidem eruptionem quamquam plerumque aegritudo, cum diarrhoea levi vomituque bilioso coniuncta, praecedit, unde BALLHORNIIUS (*l. c.* p. 57.) bilis secretionem tunc temporis auctam esse et miasma vaccino-variolosum inprimis ventriculum atque tubum intestinale petere coniecit, tamen ea Lipsiae sine omni horum symptomatum comitatu prodire observata est.

Atque hic quidem morbi vaccino-variolosi insitione producti decursus, qualem plerumque obtinentem modo descripsi, facile offert stadia quaedam, in quae quasi dispesci ac dirimi commode potest. Quae stadia,

33) LAVATER *l. c.* p. 25.

34) Conf. BALLHORN et STROMEYER *traité etc.* p. 130.

35) LAVATER *l. c.* p. 26.

quamquam in variolis recte finita sunt, tamen, si HUSSONUM³⁶⁾ et OSIANDRUM exceperis, a reliquis omnibus, qui de variolis vaccinis scripsere in harum descriptione prorsus neglecta fuerunt. Is autem tribus periodis distinxit morbum vaccino-variolosum, quarum primam *inertiae*, secundam *inflammationis*, tertiam denique *exsiccationis* nomine insignivit. Prima, quae tribus aut quatuor concluditur diebus, distinguitur a reliquis omni signorum absentia, unde ad efficaciae veneni vaccino-variolosi in vulnere exertionem concludi possit. Secunda morbi periodus a die tertio aut quarto usque ad undecimum extenditur, motibus febrilibus, et manifestis inflammationis erysipelatosae signis distincta. Tertia a duodecimo die usque ad plenariam crustae efformatae exsiccationem atque casum pertinet. Quamquam autem positi fines cuilibet harum periodorum ut plurimum conveniant, tamen, quod ex antecedentibus colligi iam poterat, haud sunt adeo certi ac constantes, ut nunquam varient. Nam medici Rhenenses, qui inoculandis variolis vaccinis omnem operam dant, observant, inertiae stadium, uti ad diem vicesimum secundum usque prolongabatur, ita iam die secundo ad finem vergente in inflammationis transiisse stadium³⁷⁾, quod interdum etiam, licet quarto demum die initium ceperit suum, tamen iamiam octavo die penitus erat absolutum. — Celeb. OSIANDRUM quatuor stadia, infectionis, eruptionis, suppurationis atque exsiccationis, assumere, verbo monuisse sufficiat³⁸⁾.

§. 3.

De symptomatibus nonnullis, morbum vaccino-variolosum interdum concomitantibus.

Cum paulo ante decursum morbi vaccino-variolosi adumbrarem, atque symptomata enumerarem, quae ipsi maxime familiaria esse solent, triam inprimis symptomatum mentionem aut nullam aut nimis brevem inie-

36) *Libr. laud.* p. 25 — 30.

37) HUSSONUS *l. l.* p. 29. BALLMORNIUS et STROMEYERUS *libr. cit.* p. 151. Decem ad minimum diebus elapsis demum certi quid de infectionis vaccino-variolosae inefficacia statui posse, et Exp. ODIERUS die XVII, atque S. G. VOGEL, (*Nord. Archiv* II. 1. p. 187.) die XXII inoculationem efficaciae signa exhibuisse testantur.

38) *L. c.* p. 101.

ci, quae cum diligentior considerationem mereri videantur, nunc accuratius expendere apud animum constitui meum.

Ac primum symptoma inflammationem offert erysipelaceam, quae in loco inoculationis orta latius subito diffunditur, atque per omnem omnino brachiorum, quin totius corporis superficiem excurrit ¹⁾. Illam quidem, quae Lipsiae observata non est, in hominibus magis obtinere, ruri degentibus, quam in iis, qui Londini vivant, JENNERUS statuit, qui primus hoc morbi vaccino-variolosi symptoma observavit, idque a maiori miasmatis vaccini efficacia derivavit ²⁾. Videtur tamen alia adhuc causa eaque verisimilior, huic inflammationi subesse. Scabendo enim insitionis vulnus, non solum hoc, sed totum brachium ita inflammatione correptum animadvertit Exper. HELLWAGIUS ³⁾, ut metus esset, ne res male verteret. LAVATERUS autem, qui inter LXXIII infantes quatuor tantum deprehendit, hoc ipso symptomate male habitos, quorum unius brachium sinistrum occupabat totum, decemque diebus post iterum, motibus febrilibus haud omnino levibus stipatum, prodibat, crusta in insitionis loco nata, quae iamiam penitus sicca erat, denuo suppurante atque obscure rubra peripheria cincta, illud aliunde, quam ab inoculatione morbi vaccino-variolosi, originem traxisse suam putat: nam praeter infantes multos, quibus idem morbus insertus non erat, etiam adulti eodem tempore hac inflammatione erysipelacea laborabant ⁴⁾. Celeb. ODIERUS, qui inter centum aegrotos non nisi duos aut tres occurrere putat, isti symptomati obnoxios, suspicatur, illius causam, nisi semper, tamen interdum ab instrumenti impuritate derivandam esse, quocum inoculatio instituta est ⁵⁾. I. EVANS denique hanc inflammationem derivavit ab aquilone, qui, cum morbus vaccino-variolosus insertus esset, frigus vehemens efficiebat ⁶⁾.

1) BALLHORN et STROMEYER *Traité*. p. 82.

2) *Libr. cit.* p. 14. vers. lat. observ. XXI.

3) *Nord. Archiv* I. p. 422.

4) *Libr. cit.* p. 63.

5) *Die Kuhpocken, ein Mittel etc.* p. 86.

6) *Conf. Phys. med. Journ.* 1800. p. 759.

Quamquam autem de causa huius symptomatis magna adhuc inter medicos obtinet dissensio, tamen hoc extra omnem dubitationis aleam positum est, illam inflammationem plane non esse periculosam, saepiusque nullis omnino egere auxiliis ⁷⁾. Id medici Genevenses experti sunt, qui inflammationem illam soli naturae commiserunt, optimo cum successu. JENNERUS autem, qui hanc innocuam symptomatis illius naturam nondum usu atque experientia noverat sua, inunxit locum inflammatum unguento mercuriali, quod ad inflammationem vulneris, propter insitionem variolarum facti, imminuendam, quin penitus coercendam efficacissimum reppererat. Nec spes eum destituit, de hoc medicamento concepta: nam paulo post cessit omnino brachii inflammatio ⁸⁾. PEARSONUS ⁹⁾ et WOODVILLIUS ¹⁰⁾, JENNERI exemplum secuti, inflammationem, quae undecimo aut duodecimo die apparebat, symptomatibus febrilibus, nec non tumore subaxillarium glandularum stipatam, statim coercuerunt, impositis loco adfecto linteis, aqua lithargyrii acetati madefactis. Exper. HELLWAGIUS ¹¹⁾ lotionem commendabat ex aquae calcis vivae cum aqua nasturtii mixtura, et cum pustulae serum large fundentes et in omni brachii inflammati superficie erumpentes inde ad siccitatem perducere haud possent, decoctum calcis antimonii sulphurati Hofmanni cum fructu adhibuit ¹²⁾. In leviori inflammationis gradu et spiritum vini, aqua commixtum, utilem fore speravit ODIERUS (l. c. p. 85.).

Neque vero solum mederi huic symptomati voluerunt medici, sed et eidem occurrere eiusque originem praecavere. Et JENNERUS quidem id caustico, e saponis et calcis vivae partibus aequalibus composito adsecutus est, quo locum insitionis per breve tempus texerat, coniecitque (d. c. observ. 22.), levissimum eumque repetitum vulneris contactum lapide

7) HUSSON l. c. p. 42. ODIER l. c. p. 86.

8) L. c. p. 68.

9) Vid. Ej. *Untersuchungen etc.* p. 41 ff.

10) *Beschreib. ein. Reihe v. Kuhpocken - Impf.* p. 134.

11) *Nord. Archiv* I. p. 422.

12) Vid. et Exper. SYBELIUS (*Erfahrungen ab. Kuhpocken*, p. 52.), qui adhibita solutione tenui salis alcalini caustici et inunctione unguenti mercurialis felici cum successu usus est.

infernali idem fortasse praestitutum esse. In qua quidem re JENNERI praecepta non sequeretur. Etenim cum constet, miasmatum, alioquin valde efficacium v. c. veneri, canis rabidi etc. vim a causticorum medicamentorum usu imminui penitusque destrui, haud temere verendum esse videtur, ne miasma vaccino-variolosum, cuius, insitione imprimis in corpus humanum translatis, lenior natura est ac indoles, adiuncto ipsi caustici remedii potentioris stimulo, plane nullam aut admodum parvam exserat virtutem adeoque insitionem inutilem reddat. Sed cum sciam, quam caute rationes ab analogia ductae in re medica sint adhibendae, experimentorum hac de re accurate instituendorum eventum expectandum esse puto.

Secundum symptoma, quod maxima medicorum attentione dignum est, cum inde inoculationis variolarum vaccinarum adversarii argumentum contra eiusdem inefficaciam depromere soleant, eruptionem pustularum, variolis spuris, aut, Exper. KAPPIO teste, papulis scabiei siccae simillarum spectat, de quarum vera indole nondum inter medicos constat. Etenim si ad ipsam morbi vaccino-variolosi naturam haec eruptio pertineret, nunquam ab eo morbo abesse debebat, cuius tamen rei exempla longe frequentissima sunt. Nam FOSBROOKE, qui Horsleii in comitatu Glocestriensi artem facit, inter mille homines, quibus variolae vaccinae inoculabantur, nullum invenit, hac eruptione pustulosa correptum ¹³⁾. De CARRO in centum aegrotis ne unum quidem ¹⁴⁾. LAVATERUS inter LXXIII infantes, morbo vaccino-varioloso imbutos, neminem invenit, qui quatuor, quin sex pustulis plures in brachio ostenderet ¹⁵⁾. Lutetiae Parisiorum, ubi quatuor fere millia hominum inoculationi variolarum vaccinarum exposita sunt, nondum observata fuit illa eruptio pustulosa, teste HUSSONO ¹⁶⁾. Silentio praetermitto et alias plures urbes, in quibus quamvis morbi vaccino-variolosi inoculatio multum vigeat, tamen nondum occurrit illud symptoma, quod contra ea Londini in nosocomio, variolis inferendis destinato, cui WOODVILLIUS

¹³⁾ *London medic. Review and Magaz.* Jan. 1800. p. 480.

¹⁴⁾ In literis ad BALLHORN. l. c. p. 137.

¹⁵⁾ *Libro cit.* p. 63.

¹⁶⁾ *Libro cit.* p. 45.

praeest, longe frequentissimum erat ¹⁷⁾, et Hannoverae tam commune esse narratur, ut e decem aegrotis octo, quin novem adeo illi sint obnoxii. PEARSONUS autem nonnisi quatuor inter omnes illos, quibus morbum vaccino - variolosum inoculavit, deprehendit, ista eruptione pustulosa vexatos ¹⁸⁾. Genevae quoque ter inter centum aegrotos occurrit ¹⁹⁾, idemque HELLWAGIO ²⁰⁾; et inter quadraginta aegros semel a medicis Bernburgensibus ²¹⁾, pluries a PILGERO ²²⁾ atque ter quaterque a SYBELIO ²³⁾, et a KREYSIGIO inter quatuor et centum infantes tricies fere ²⁴⁾, a Lipsiensibus denique medicis aliquoties observatum fuit.

Liceat huius eruptionis vaccinae subsequenter, (hoc enim solent nomine illam pustularum efflorescentiam insignire) descriptionem, ex Cel. BALLHORNII et STROMEYERI commentatione petitam ²⁵⁾, hoc loco exhibere. Intra diem scilicet 13 et 18 ab ipsa insitione in trunco, facie, imprimisque in antibrachio, praevia corporis inquietudine, alvi solutione et vomitu prodeunt parvae pustulae, a se invicem distinctae, quas intra XXIV primas ab earum ortu horas pro eruptione variolosa facile habueris. Hae pustulae in apicem acutum, saepe pellucidum, desinunt, parum elevatum, coloris rubri sunt et circulo itidem vivide rubro cinguntur. Qui color elapsis XXIV horis evanescit. Tubercula, quae remanent, parum elevata, colore sunt languide rubro, referuntque ea, quae a morfu culicum relinquuntur, nec nisi post quatuor et sex adeo hebdomadam spatium

17) Observavit idem symptoma in aegrotis sexaginta octo tricies novies J. EVANS (Med. phys. Journ. 1800. Octob. p. 757.)

18) Conf. Medic. physisch. Journ. 1801. p. 339. ubi de hoc ipso symptomate multa disputavit.

19) Die Kuhpocken, ein Mittel etc. p. 87.

20) Nord. Archiv I. p. 427. 429.

21) Vid. Bernburg. wöchentl. Anzeigen 1801. No. 3.

22) Sammlung v. Nachricht. Beobacht. u. Erfahr. üb. d. Kuhpocken-Impf. Gießen 1801. 8. p. 99.

23) Libr. cit. p. 106. 133.

24) Neue Wittenb. Anz. 1801. 21.

25) Traité de l'inoc. vacc. p. 53. ff.

evanescent. Quae apicibus tuberculorum continetur aequala, ea post aliquot dies evaporata crustulam relinquit, magnitudine caput acus vix attingentem. Interdum solent et hae pustulae in suppurationem abire, adeoque maiorem adhuc cum variolis similitudinem affectare. Neque difficile tamen est, utrasque pustulas a se invicem distinguere, modo accurati observatoris personam tueamur. Si enim pustulae illae, quae morbi vaccino-variolosi insitionem interdum sequi solent, dubiae sunt originis, tunc respiciendum est ad variolam, insitionis loco enatam, quae ubi cincta fuit, aut adhuc cingitur rubore illo peripherico, de quo antecedenti paragrapho dictum est, medicus potest de natura pustularum non variolosa certus esse ²⁶⁾. Praeter hoc signum primum inter pustulas eruptionis vaccinae subsequenter et illas, quas variolae offerunt verae, hoc quoque discrimen obtinet, quod in harum apicibus observare liceat vesiculam rotundam, cum illarum summitates foveolam infundibuliformem efformant ²⁷⁾. Neque vero parum ad discernendam utramque pustularum speciem videntur valere symptomata, earum eruptionem antecedentia. Cum enim WOODVILLIUS adferit ²⁸⁾, eas symptomatibus admodum vehementibus stipatas prodire, BALLHORNIIUS autem cum STROMEYERO hanc symptomatum vehementiam in nullo unquam aegroto observasse contendunt ²⁹⁾, videntur uterque, et WOODVILLIUS et BALLHORNIIUS, de diversae naturae pustulis sermonem fecisse, ille de variolis veris, hic de eruptione vaccina subsequente. Praeterea, BALLHORNIO et STROMEYERO testibus ³⁰⁾, pustulae eruptionis vaccino-variolosa subsequenter a variolis differunt ita, ut sint illae semper his minus largae; ut materia, apicibus pustularum priorum inclusa, naturae sit magis lymphaticae, quam purulentae; ut numerus pustularum, quae eruptionem vaccinae subsequenter efformant, plerumque minor sit, quam numerus variolosarum; ut crustae, quae aliquantisper post exsiccationem priorum pustularum remanent, minores, tenuiores colorisque flavescentis sint, cum variolo-

26) BALLHORN et STROMEYER *l.c.* préf. p. VIII,

27) *Ibidem.* *l.c.* p. IX.

28) *Libr. cit.* p. 128.

29) *L. l.* préf. p. XIV.

30) *Lib.* pluries iam laud, p. 57 sequ.

farum pustularum crustae brunneo colore tinctae conspiciantur; ut plures post dies ab exsiccatione priorum pustularum, sexto aut septimo die contingente, noduli duri in conspectum prodeant, qui sensim evanescent, nec ullum cicatricis vestigium relinquunt; ut denique maculae brunneae post nodulorum horum plenariam resolutionem superstites sese oculis sensim sensimque subtrahant. Jam igitur licet certo statuere, quid partim de rumoribus iudicandum sit, qui de eruptione variolarum, paulo post insitionem variolae vaccinae contingente, percubuerunt ³¹⁾, partim de WOODVILLII observationibus, quae pustulosam eruptionem, ab ipso post insitum morbum vaccino-variolosum conspectam, huic ipsi morbo tanquam symptoma tribuerunt, quamquam variolarum potius erat effectus ³²⁾.

In causam huius eruptionis pustulosae, pus verum gignentis, inquirentibus haec potissimum sese offerunt. Exper. AIKINUS quidem rationem morbi vaccino-variolosi inoculandi rudem, minusque convenientem eruptionis illius subsequenter causam accusat; nam si vulnus, quo miasma vaccino-variolosum corpori humano infertur, tam profundum infligatur, ut miasma cutem ipsam attingat, tunc plures in diversis brachii partibus pustulas efflorescere morbumque localem, quod et in variolarum insitione, similiter administrata, fieri soleat, vehementiorem evadere. Cuius quidem observationis testem villicum adducit, qui subulae in cutem infixae ope morbum vaccino-variolosum inferebat, frequenter cum pustulosa eruptione coniunctum, cum illi, quibuscum ab his ipsis aegrotis idem morbus, cultri ancipitis chirurgici ope, more solemni communicatus erat, praeter variolam vaccinam, insitionis loco enatam, nullas alias pustulas ostenderent ³³⁾.

31) Exp. LODEMANNUS et MÜHRYUS observarunt, infantem, cuius frater variolis decubuerit, sanum adhuc, morbo vaccino-varioloso infectum, eoque feliciter superato die fere decimo quarto variolis admodum benignis correptum fuisse. Vid. Ill. HUFELANDI *Journal d. pract. Arzneywiss.* Vol. X. pa. 2. p. 186.

32) *Libr. cit.* p. 25. 29. 30. 44. 48. 71. s. histor. insitionis 8. II — 14. 30. 37. 45.

33) AIKIN *l. l.* p. 53.

Alteram eamque satis probabilem causam Celeb. WOODVILLIUS ³⁴⁾, ODIERUS ³⁵⁾, AIKINUS ³⁶⁾, AUBERTUS ³⁷⁾ alique invenerunt in aëre, effluviis variolosis impraegnato, quem hauserant ii, quibus morbus vaccino-variolosus erat insertus. WOODVILLIUS enim, cum in hospitio, variolis inferendis destinato, morbum vaccino-variolosum inocularet, eruptionem pustularum suppurantium, variolis simillimarum, eo frequentiorem deprehendebat, quo plures aegroti simul aderant, variolis infitis decumbentes ³⁸⁾. Idem Hannoverae, Gen evae etc. observatum est, probantque ea, quae EVANS, chirurgus Ketleyensis, publicavit. Is enim cum uno eodemque tempore variolas morbumque vaccino variolosum hominibus infereret, qui saepe eodem contubernio utebantur, reperiēbat, dimidio plures aegrotos eruptioni vaccino-variolosae obnoxios factos fuisse ³⁹⁾. Materiam ipsam, quae inoculationi variolarum vaccinarum infervit, et a JENNERO huius symptomatis causa accusata est ⁴⁰⁾, ab hac suspitione liberandam esse, probare videntur cum quae in hanc rem protulit WOODVILLIUS ⁴¹⁾, qui eadem materia, quae in hospitio pustulosam produxerat eruptionem, extra illud alios inoculavit, in quorum corporibus praeter variolam vaccinam nullae aliae pustulae oriebantur, tum ea, quae in EVANSII inoculationibus observare licuit, cui JENNERUS ipse miasma vaccino-variolosum transmisserat. Quae hucusque attuli, ea magis adhuc confirmantur aliis WOODVILLII experimentis, quibus constitit, neque a miscela partium aequalium miasmatis variolosi et vaccino-variolosi vulneri facto infita, neque tunc, cum duobus vulneribus, pollicem a se

34) *Die Kuhpocken, ein Mittel gegen d. nat. Blatt.* p. 11.

35) *Ibidem.* p. 87.

36) *Libro citato.* p. 54.

37) *Rapport sur la vaccine.* p. 31.

38) *Die Kuhpocken, ein Mittel etc.* p. 12. et 13.

39) *Physisch-medicin. Journ.* 1800. p. 759.

40) *Continuation of facts and observat. relating to the Variolae vaccinae.* p. 7. ubi contendit, miasma vaccino-variolosum, quod eiusmodi eruptionem produxit, varioloso miasmate fuisse mixtum et quasi inquinatum.

41) *Die Kuhpocken, ein Mittel etc.* p. 3 — 13.

invicem distantibus, alteri miasma variolosum, alteri miasma vaccino-variolosum uno eodemque tempore inoculatum est, immutationem morbi vaccino-variololi productam fuisse.

Ab hisce duabus de origine eruptionis vaccino-variolosae subsequentis opinionibus recedit illa, quam PEARSONUS protulit ⁴²⁾. Etenim is putabat, verum miasma vaccino-variolosum interdum aut ob peculiare dispositiones oeconomiae corporis humani, aut ob effectus rerum quarundam externarum, quarum vis et potestas in huius ipsius miasmatis naturam nobis incognita adhuc est, ita immutari posse, ut morbum producat, symptomate uno vel altero a communi eiusdem decursu abluentem. Addit his observationem de infante bienni, cui cum morbus vaccino-variolosus cum materia e vaccae ubere desumpta insertus esset, maculae illae rubrae in cute effloruerant, de quibus paulo post dicturus sum. E quo infante morbus idem cum ad multos alios insitione translatus esset, horum plurimi, plane nullis rubris maculis in conspectum prodeuntibus, eruptione pustulosa, variolas referente, corripiebantur. Haud scio, an ad hanc AIKINI sententiam firmandam faciat Exper. KAPPII observatio, qua ab omnibus aegris, quorum pustulae vaccino-variolosae vivide rubro circulo erysipelaceo cinctae erant, hanc eruptionem subsequentem abesse vidit.

Tertium denique symptoma, quod ad ipsam morbi vaccino-variolosi naturam haud pertinere videtur, adeoque raro occurrit, offerunt maculae rubrae, morbillis fere similes. Id observatum bis a JENNERO ⁴³⁾ accuratius ab illo descriptum non est. PEARSONUS autem, qui in viginti aut triginta aegrotis unum deprehendit, his maculis notatum, testatur has maculas esse magnas, rubras, tactuque duriores, ac paucam aut plane nullam lympham, et nunquam pus fundere; exanthema ipsum, siue durationis brevitatem, siue effectuum lenitatem spectaverimus, praecipua medicorum attentione haud egere. Easdem maculas et nonnunquam Lipsiae observatas fuisse novi, duasque, duorum fere pollicum magnitudine, in brachio infantis, variolis vaccinis correpti, conspexit SYBELIUS ⁴⁴⁾.

42) Cf. *Phys. medic. Journ.* 1801. p. 340.

43) *Libr. cit.* p. 58 et p. 67.

44) *Libr. laud.* p. 57. Vid. et PILGERUS, qui has ipsas maculas observavit, in *Samml. v. Nachricht., Beobacht. u. Erfahr. über d. Kuhpockenimpf.* Giefs, 1801. p. 98.

S. 4.

Differentiae inter morbum vaccino-variolosum et variolas intercedentes.

Varia sunt, quibus uterque morbus, insitione inprimis communicatus, multum a se invicem recedit. Nam si febris rationem, si pustularum formam, si puris contenti conditionem, si contagii subtilitatem si denique cicatrices respexerimus, habebimus sane maxime notatu dignas utriusque morbi differentias. Ac febris quidem variolosa, nunc vehementior, nunc lenior, semper tamen, si cum febre vaccino-variolosa comparaveris, multum intensior, praecedit eruptionem macularum rubrarum, sensim in pustulas abeuntium; contra ea nulli motus febriles notabiles in hominibus, morbo vaccino-variolo infectis, ante diem quintum observantur, quo iam morbi praesentis certissima vestigia in loco insitionis conspiciuntur. Febris variolosa plerumque horis meridianis invadit aegrotos; febris vaccino-variolosa finitum accessionis tempus non habet, nunc primo mane, nunc versus vespem, nunc media nocte, plerumque tamen vespertinis horis accensa. Febris variolosae vehementiam aut ab anni tempestate, aut a morborum cum variolis grassantium, inprimis febris stationariae, quae vel catarrhalis, vel inflammatoria, vel nervosa esse solet, natura maximopere variari constat; horum autem omnium nihil, quantum quidem hucusque observare licuit, valet ad febris vaccino-variolosae vim vel leniendam vel intendendam.

Pustulae variolosae, minores pustulis vaccino-variolosis, e macula rubra, vix ultra cutis superficiem elata, adsurgunt; pustulae vaccino-variolosae e nodulo tanquam e basi efflorescunt. Illae, ubi frequentissimae erumpunt, solent confluere invicem; hae semper discretae reperiuntur ¹⁾. Illae, ubi a se invicem distinctae fuerunt, et crustulis obducuntur distinctis, harum, quamvis discretarum, crustae invicem quasi confluent. Illae rubore, qui quo propius ad apicem accedit, eo magis languescit, tanquam vallo quodam circumseptae conspiciuntur; harum rubedo cum coeruleo aut livido colore intermixta est. Illae per omnem om-

1) Cf. HESSERTUS et PILGERUS *üb. die Kuhpocken u. deren Impfung*. Gießen 1801. S. p. 32.

nino corporis superficiem dispersae, hae in loco insitionis tantum conspicuntur. Illae exiguam foveolam in apicibus conspicuam ostendunt ad octavum usque diem, quo ab intus contenta materia apex extrorsum trusus convexam superficiem efformare solet; hae maiori, eaque in undibuliformi fovea instructae sunt, nec unquam, fovea licet evanescente, convexam, sed potius planisculam, inaequalem superficiem, visui offerunt. Quae cum sint communi omnium observatorum consensu firmata, haud video, quid sibi velint Excell. HESSERTUS atque PILGERUS, cum hanc differentiam inter morbum vaccino-variolosum et variolas intercedere affirmant, ut pustulae vaccino-variolosae apex plane non depressus sit, quales esse soleant apices variolarum prius, quam in suppurationem abierint ²⁾. Pustula autem vaccino-variolosa, in loco insitionis enata, quamquam tunc, cum inoculatio punctura efficitur, magnam similitudinem alit cum variolis sic dictis verrucosis aut etiam umbilicatis, tamen, si ope vesicatorii morbus inseritur, varia offert discrimina, quae omnium diligentissime observavit, observataque accurate descripsit Cel. OSIANDER. Primum enim principium ulceris insitionis offerre in variolis tuberculum rubicundum, in vaccino-variolis autem maculam albam, omni convexitate destitutam, aphthae parvae aliquo modo similem. In pustula variolosa primo tuberculum rubicundum, postea autem in tuberculi apice foveolam efformari; in pustula vero vaccino-variolosa albam illam maculam sensim sensimque cingi a margine elatiore, qui diebus proximis fossa quasi circumvalletur. Pustulam variolosam integram repleti pure, contra ea in medio ulcere vaccino-varioloso cutem, uti in carbunculo, emori, cuius rei luculentissimum signum in maculae albae, sensim latefcentis, paulo post coeruleae, a cute sana separatione repositum sit ³⁾.

Pus in variolis e fluido maxime pellucido, aut etiam sero lactis simili, sensim in opacum, albidum, quin et flavum, spissiore denique liquorem transeunte, efformatur; lympham autem, quae pustulas vaccino-variolas replet, usque ad prima circuli rubri, basin earum cingentis, vestigia semper pellucida, nunquam fere, donec omni inflammatione peripherica sublata, et toti pustulae superficiei crustula inducta fuerit, ad

²⁾ Loco citato.

³⁾ OSIANDER l. c. p. 122 — 124.

veri puris naturam accedere, sed pellucidam semper manere atque aquae aut feri fluiditatem conservare solet 4). — Pus variolosum diutius corruptioni resistit, quippe quod post septem, quin octo annorum spatium efficaciam retinet suam; materia, contagium vaccino-variolosum continente, intra paucos dies vim ac potestatem amittente omnem 5). — Pus variolosum odorem spargit similem ei, qui e pinguedine corrupta exhalat, aut e pure spinae ventosae, atque in libero etiam aëre atmosphaerico sensibilem. Lympha vaccino-variolosa in aëre libero omnis odoris expers est, sed intra vitreas laminae conclusa, edit, dum efficaciam conservat suam, odorem hydrogeneo-sulphureum 6).

Contagii subtilitas longe maxima est in variolis, minima in variolis vaccinis. Etenim illud non semper contactu opus habet ad morbum propagandum, sed effluviis quoque disseminatur 7); hoc non solum contactu eget, sed praeterea etiam necesse est, ut locus corporis, quem miasma vaccino-variolosum contingit, laesam habeat cuticulam. Certe haec est plurimum medicorum, qui de variolis vaccinis scripserunt, sententia 8). Observatum enim est, aegrotos, quibus morbus vaccino-variolosus felicissimo cum successu inoculatus erat, quamquam aut cum aliis, neque illo morbo neque variolis unquam correptis, eodem cubaverant lecto 9), aut alio modo in veneni illius viciniam venerant, tamen ab in-

4) MACDONALD *Abhandl. üb. d. ject fast allgem. eingeif. Inoc. d. Kuhpocken.* Hamb. 1800. 8. p. 19.

5) Vid. OSIANDER l. c. p. 81.

6) Ibidem. p. 124. sequ.

7) Vid. Celeb. OSIANDRI librum cit. p. 73 — 79. ubi multa exempla adferuntur, quae hanc contagii variolosi late sese diffundentis subtilitatem, luculentissime probare videntur.

8) JENNERUS libr. cit. p. 48. vers. germ. PEARSON *Untersuchungen etc.* p. 56. ff. BALLHORNIIUS et STROMEYER *traité etc.* p. 63 alii.

9) WOODVILLIUS narrat exemplum infantis, neque variolis, neque morbo vaccino-varioloso adhuc obnoxii, cum parentibus et fratre, quibuscum variolae vaccinae inoculatione communicatae erant, uno eodemque lecto noctes transigentis, nec inde infecti. Vid. *Die Kuhpocken, ein Mittel etc.* p. 18. WIDEMANNUS, HIMLY et ROOSE *üb. das Impfen der Kuhpocken.* Bremen 1801. 8. p. 18. ff.

fectione omni prorsus liberos mansisse. Id inprimis tum maxime mirandum, cum aliquando, teste GRAYO, morbus vaccino-variolosus, ab ipsis vaccis contractus, tanta vehementia esset, ut per tres et quod excurrit, septimanas medici auxilio opus esset ad morbi vim coercendam, effluviaque foetidissima totam replerent domum ¹⁰). Qua quidem contagii tarditate efficitur, ut inoculatio morbi vaccino-variolosi quovis tempore institui queat, nec metuendum sit, ne, quod in variolis locum habet, epidemiae vacco-variolosae inde oriundae ansa suppeditetur ¹¹). — Miasmamatum porro et variolosi et vaccino-variolosi differentia, si subtilitatem respexeris, cernitur in eo, quod illud uni corporis loco applicatum, per omnem externam, quin et internam corporis superficiem diffundi atque exanthema protrudere pustulosum; huius contra ea vis arctis loci insitionis limitibus conclusa contineri ibique tantum pustulam unam vel paucas generare solet.

Cicatrices denique gravem adhuc differentiam inter utrumque morbum constituunt. Nam variolas constat cicatrices relinquere, quae saepe omnem pulchritudinis decorem deturpant. Variolae autem vaccinae nullas omnino gignunt cicatrices, nisi perversa pustulae vaccino-variolosae tractatione ulcera fuerint orta phagedaenica et adversus omnem rebelliam curationem. Hae autem cicatrices in insitionis loco tantum formantur adeoque, cum hic ita eligi possit, ut illae adspectui subtrahantur, pulchritudinem minime infestant. Quam ob rem praeferenda esse omnino videtur inoculatio morbi vaccino-variolosi insitioni variolarum tantopere hucusque celebratae. Sed magis adhuc nobis commendabitur morbi vaccino-variolosi inoculatio, si et aliorum adhuc commodorum rationem habuerimus, quae illa adferre dicitur. Sed de his paragrapho proxima.

§. 5.

Commoda, cum inoculatione morbi vaccino-variolosi coniuncta.

Cum soleant patroni cuiuscunque rei in hoc semper elaborare, ut omnia omni studio conquirant, quae ad rei istius utilitatem demonstren-

¹⁰) Vid. *Medicin. Physisch. Journal.* 1800. p. 1846.

¹¹) LAVATER l. c. p. 30.

dam aliquo modo facere possint, haud mirandum est, et morbum vaccino-variolosum eandem subiisse sortem. Nisi igitur iniqui iudices esse velimus, repetitis experimentis curiose ea omnia subiiciamus, quae in commendationem et laudem morbi vaccino-variolosi ab eius patronis dicta sunt. Vereor, ne plura deprehendamus, quae aut experientiae repugnent diligentiori, aut quae morbo illi plane non peculiaris et propria, sed cum variolis potius communia sint ¹⁾.

Et BALLHORNIIUS quidem STROMEYERUSQUE commendationem haud levem variolis vaccinis infusione productis ex eo conciliari putabant, quod ad inoculationis successum iuvandum nullus corporum inferendorum delectus haberi debeat. Inoculatione enim morbum illum communicabant cum hominibus debilibus robustisque, infantibus aequae ac adultis, omnium vitae conditionum, omni tempestate aërisque temperie, nullo diaetae regimine observato, quin et sub ipsa variolarum malignarum epidemia, nec unquam observata sunt symptomata metum incutientia ²⁾, ne febris quidem intensioris insultus ³⁾. Qua in re assensientes habuerunt et Illustr. ZIEGLERUM, qui infantibus, per longum tempus tussi ferina excruciatibus, optimo cum successu morbum vaccino-variolosum inseruit, nec incommoda inde ulla remanere observavit ⁴⁾, et Exper. LAVATERUM ⁵⁾, qui infantes dentientes debilesque a die vitae decimo quinto usque ad annum aetatis septimum inoculavit optimo cum eventu. Nec ego harum observationum veritatem negaverim, aut hos lenes morbi infusi effectus parvi existimaverim, sed id tantum monendum esse puto, enu-

1) Comparationem variolarum et morbi vaccino-variolosi plures instituerunt, e quibus et THORNTONUM (Vid. *Moniteur* an VIII. no. 325.) et HENR. JENNERUM (*Ueber die Kuhpocken, ein Mittel* etc. p. 27.) laudare sufficiat, qui praecipua momenta, in variolis observanda, indicarunt, et quid in quolibet momento illis morbus vaccino-variolosus praestet, ex adversa pagina enumerarunt.

2) *Traité de l'inocul. vaccine.* p. 38. ff.

3) *Ibid.* p. 58. sequ.

4) *Ibid.* p. 136. Exemplum infantis, cui, tussi ferina correpto, ob metum, ne variolis obnoxius fieret, variolosum miasma inferebatur optimo cum successu, retulit MACDONALDUS l. c. p. 54.

5) *Loc. cit.* p. 27. 63.

merata commoda non solis variolis vaccinis competere. Nam et interdum variolae, infantibus dentientibus insitae, neque febrim, quae dentium eruptionem comitari solet, intendunt, neque aliud producunt symptoma grave, testibus multis, e quibus GIRTANNERUM liceat laudare ⁶⁾. Quae quamquam verissima sunt, tamen variolarum insitionem, quae interdum, vel optimis sub auspiciis instituta, infelicem exitum habere solet, iis infantibus dentientibus adhibere vix tutum puto, quibus dentes cum difficultate et convulsionibus vehementibus prorumpunt. Quid? quod, si optio mihi daretur inter infantem dentientem, ac illum, qui ab omni dentium prorumpendorum molimine liber est, variolas quoque vaccinas posteriori inferere consultius haberem. Sed si variolosi contagii periculum instat, aut alia urgent tempora, tunc hisce dubitationibus locum nullum relinquendum esse, facile intelligitur.

Dein contendunt, variolas insitione productas maiore cum periculo coniunctas esse tunc, cum aliis morbis, aut certis humanae constitutionis ad morbos dispositionibus accedunt ⁷⁾; variolas contra ea vaccinas ab omni periculo liberas esse. Inter hos morbos inprimis urgent scrophulas ⁸⁾. Sed contrariam sententiam CULLENIVS ⁹⁾ alique magnae auctoritatis medici, sua ipsorum experientia confisi, defendunt. Cum igitur utrinque argumentis pugnatur ab experientia desumptis, media incedendum esse puto via, statuumque variolarum insitionem periculosam non esse, cum dispositio tantum scrophulosa adest, aut morbus ipse levem vehementiae gradum attigit, contra ea gravissima pericula, quin mortem minitari, quando scrophulae iam diu

6) *Abhandl. v. d. Krankh. d. Kinder.* p. 208.

7) BALLHORNIVS et STROMEYER l. l. p. 59.

8) JENNERUS l. c. p. 49. vs. germ. et p. 61. vers. lat. BOSQUILLONUS ad CULLENII librum mox laudandum plures observavit infantes, qui cum scrophulis iam diu laborassent, e variolarum insitione moriebantur. LAVATERUS l. c. p. 30 etc. Tristissimum eiusdem rei exemplum in memoriam revocavit MACDONALDUS l. c. p. 60 ff. a MONROO olim observatum.

9) *Anfangsgründe d. pract. Arzneyk. Dritte Ausg.* Leipz. 1800. Vol. II. p. 32. GIRTANNER l. c. p. 209. HUSSONUS cum PINELIO in hospicio de la Salpêtrière dicto vidit scrophulosos aegrotos sanari febre moderata, quae inoculationem variolarum sequebatur, l. c. p. 50. not. 1). Ego ipse plures infantes novi, quibus haec sortis felicitas obtigit,

durarunt adeoque omnem omnino humorum massam maximopere depravarunt. In qua quidem sententia et BOSQUILLONUM, et vernaculum interpretem CULLENII experientissimum esse, plurimum laetor. — Variolae spuriae ¹⁰⁾, morbilli ¹¹⁾ aliique morbi accedere variolis vaccinis, nec harum alius, quam felicissimus fuit exitus. — Infantes nimia capitum magnitudine, ab hydrocephalo interno forte progenita, deformes, inferendis variolis ineptos indicavit DIMSDALIUS, talemque infantem, cui insitae erant variolae, vehementissimis convulsionibus correptum vix morti eripuit Interpres CULLENII germanicus l. c. p. 33. Iis autem infantibus sine ullo incommodo variolas vaccinas inoculatas fuisse novi. — Usu atque experientia comprobatum esse adserit JENNERUS ¹²⁾, variolas in quibusdam familiis ob peculiarem corporum constitutionem gravissima producere symptomata, quin mortis nullis artis nostrae remediis arcendae causam evadere. Talium familiarum membris JENNERUS optimo cum successu morbum vaccino-variolosum inseruit. Quid? quod sunt, qui observasse sibi videantur, miasma vaccino-variolosum corpori tunc immissum, cum iam infectio variolosa locum habuit, variolis erumpentibus benigniorem conciliare indolem ¹³⁾. Quam quidem observationem videntur firmare et WOODVILLII ¹⁴⁾ et BALLHORNII STROMEYERIQUE experimenta, quorum duo tamen posteriores hac de re certi quid definire haud sustinent, quoniam de malignis variolis haud poterat triumphare miasma vaccino-variolosum ¹⁵⁾. Pertinet hoc ad infantem militis cuiusdam Hannoverani, qui miasmate infectus vaccino-varioloso, decimo die post e variolis aegrotare incipiebat, quae et ipsi die XVIII ab inoculatione vitam eripiebant. In hoc tamen infante deerant varia indicia, unde efficaciam in-

10) BALLHORN. et STROMEYER l. c. p. 59.

11) LAVATER l. c. p. 63. MACDONALD l. c. p. 31.) JENNERI observationem laudat hac de re institutam.

12) Libr. cit. p. 48. ed. germ. PEARSON *Untersuch. etc.* p. 83. J. C. W. JUNKER *gemeinn. Vorschläge u. Nachrichten etc.* Halle 1793. 8. p. 123.

13) Exp. de CARRO et ZIEGLER in epist. ad BALLHORNIIUM l. c. p. 131. 134. ff.

14) *Beschreib. ein. Reihe v. Kuhpocken - Impfung.* p. 20. seq. Vid. et HESSBERTUS cum PILGERO l. c. p. 39.

15) Libr. cit. p. 85.

sitionis augurari possumus, imprimis rubor ille, quo basis pustulae vaccino-variolosae cingi solet ¹⁶⁾. Idem locum habebat in duobus TOBLERI, viri plurimum reverendi, liberis, quibus Illustr. RAHNIUS morbum vaccino-variolosum inferuerat, quique a variolis correpti perierunt ¹⁷⁾.

Longe alia tamen in promptu sunt inoculationis morbi vaccino-variolosi commoda, aut minus dubia, aut morbo huic cum variolis minime communia, inter quae primo loco commemorare liceat, quod variolas pressio pede alia saepe mala sequantur, haud levia, interdumque sanitatem, variolis iam labefactatam, penitus fere subvertentia. Huc pertinent inflammationes oculorum vehementissimae, maculae corneam obfuscentes visumque impediennes, puris in interioribus oculi partibus depositio; anchyloses, ossium caries; apostemata aliaque. Quae quidem mala solent a morbo vaccino-varioloso abesse. Nam quod narrat DREWIIUS ophthalmiae exemplum, a variolis vaccinis ortae, et ad tantam vehementiam exacerbatae, ut aegrotata oculum suppuratione perderet, id non morbo vaccino-varioloso, sed potius incuriae atque immunditiei aegrotae adscribendum est, qua factum erat, ut miasma vaccino-variolosum ipsi oculi bulbo adfricaretur ¹⁸⁾. Furunculos quidem ter superatum morbum vaccino-variolosum secutos esse observarunt HESSERTUS et PILGERUS ¹⁹⁾; sed eorum natura tam mitis erat, ut brevi remediis adhibitis cederent.

Gravidis feminis variolas inferere rem periculi plenam iudicant DIMSDALIUS, quem GIRTANNERUS ²⁰⁾ hac in materia ita secutus est, ut eum fere exscriberet, JENNERUS alique, v. c. Interpres CULLENII germanicus ²¹⁾. Etenim etsi gravidae matres variolas feliciter superarunt, tamen tot foetuum, qui post infectionem matris mortui, atque pustulis variolosis obfiti excluderantur, extant exempla, ut metus de variolarum infectione, gravidis pericula minitante, haud temere con-

¹⁶⁾ L. c. p. 136. ff.

¹⁷⁾ LAVATERUS l. c. p. 69.

¹⁸⁾ *Hannöver. Magaz.* 1800. p. 591.

¹⁹⁾ L. c. p. 40.

²⁰⁾ *Libr. laud.* p. 209.

²¹⁾ L. c. p. 76. Vol. II.

ceptus esse videatur. Morbum contra ea vaccino-variolosum his ipsis feminis inferere nemo debet sibi religioni ducere, cum ille mitissimus sit, adeoque nec tenerrimo foetui detrimenti quid adferre queat.

Cum miasma vaccino-variolosum soleat motus febriles excitare eosque neutiquam vitae periculosos, JENNERUS ²²⁾ putat, ex hac ipsa causa insitionem eiusdem in variis morbis chronicis utilissimam fore. Quam quidem coniecturam usu confirmarunt medici haud pauci. DUNNINGIUS ²³⁾ societatis medicae, quae Plymuthi floret, membrum, puellae, quae corporis habitu erat admodum delicato, crebriori vomitu spirandique continua difficultate laborabat, cui denique faciei color valde pallidus et fere cadaverosus, hinc inde lividis maculis distinctus erat, morbum inoculavit vaccino-variolosum. Mater, cui phthisis pulmonalis modo maritum et fratrem eripuerat, praetereaque recens unius liberorum suorum mors vulnus inflixerat maxime dolorificum, quovis pretio cupiebat puellae illius vitam minitanti periculo (variolae enim malignae in vicinia grassabantur) subtrahere. In hac rerum conditione insitae variolae vaccinae non solum mitissimae fuerunt, sed etiam sanitatem puellae ita emendarunt, ut sensim sensimque optima evaderet. Hunc tam praeclarum successum inoculationis variolarum vaccinarum observavit idem in alio quoque infante bienni, qui, corporis habitu tenerrimo, ex inflammatione pectoris convalescens, de debilitate, faciei pallore et respiratione difficili conquerebatur, quae symptomata omnia post feliciter superatum morbum vaccino-variolosum evanescebant. Similia optimorum effectuum exempla collegit Exper. HUSSONUS ²⁴⁾, quae ob rei dignitatem commemorare lubet. Et MAUNOIRIUM quidem, chirurgum Genevensem, laudat, qui infantem, ab aliquot inde mensibus ophthalmia admodum rebeli correptum, aliumque, cuius brachia maculis lichenosis parvis obsita erant, sola inoculatione variolarum vaccinarum bene succedente sanavit. Maculae lichenosae inflammabantur; pustulae vaccino-variolosae inflammationi succedebant, quibus suo tempore exsiccatis maculae penitus evanuerunt. Eundem morbi vaccino-variolosi effectum in lichenibus observa-

22) *L. I.* p. 49. Quam sententiam etiam amplexus est Exp. de CARRO.

23) *Some Observations on Vaccination etc.* Lond. 1800. 8.

24) *Libr. cit.* p. 53. ff.

vit chirurgus Rotomagensis, BLANCHE, sub axillis et in curvatura cubiti conspicuis. HUSSONUS ipse inseruit variolas vaccinas puero septenni, qui praeter dolores capitis vix tolerandos, quolibet triduo aut quadriduo recurrentes, nulloque remedio leniendos tollendosve, satis bona fruebatur valetudine. Variolae vaccinae eruptionem comitabatur erysipelas admodum profundum, per humeri pectorisque superficiem diffusum: vomitus, dolores capitis acerbi, febrisque per biduum non sine vehementia perdurans, simul aderant. Quae quidem mala cum vaccino-varioloſo morbo evanuerunt, nec dolores capitis periodici proximis quinque mensibus, qui post infectionem variolarum vaccinarum praeterlapſi sunt, rediere. — Idem medicus, accersitus ad infantem quinque annorum, a partu inde valetudinarium, nunc autem a morbo longae durationis convalescentem, deprehendebat pulmonum obstructionem et ex ea pendentem respirationem anhelosam, minus liberam et cum sibilo coniunctam; insignem glandularum colli et mesenterii tumorem; colorem cutis pallidum et cadaverosum; faciem scrophulosam, tantamque virium exhaustio- nem, ut boni parum de curationis eventu sperari posset. Morbi vaccino-varioloſi miasma huic aegroto inferebatur, quod quamquam tardius, quam fieri alias solet, vim exserebat suam, tamen pustulas producebat latas, ultra cutis superficiem sesquilineam elatas, materiaque turgidas. Inflammatio peripherica, eorum bases cingens, usque ad antibrachium et axillam extendebatur. Totum brachium tumidum, tensaque eius cutis ob calorem phlegmonicum rubicundior et tactu durior erat. Aegrotus haud poterat ob insignem brachii tensionem et glandularum subaxillarium tumorem capiti manum imponere. Febris quamquam nulla observari poterat, tamen, ut primum tumor, pustulae eruptionem antecedens, apparere coepit, et variola vaccina penitus efformata fuit, tussis minus frequens, cutis color melior, glandulae colli sensim volumine imminutae. Quo longius processit morbus vaccino-varioloſus, eo magis valetudinis ratio emendari videbatur, et quo tempore haec morbi historia publicabatur, infans non amplius tussiebat, respiratio libera reddita erat, vis vitalis aucta, sanitas denique in integrum restituta. E literis Exper. CLARI, qui nunc in itinere, augendae doctrinae medicae causa suscepto, Vindobonae commoratur, didici, pemphigum chronicum ibidem morbi vaccino-varioloſi inoculatione sublatum esse; addit tamen de huius effectus salutaris con-

stantia dubitationem. Nam cum iam alias huic aegroto aliquoties contigerit, ut morbus ille per sex aut plures septimanas fileret, quibus elapsis denuo recrudescebat, expectandum esse, utrum hic ipse eventus rediturus sit, an inoculatione variolae vaccinae morbus ille penitus fuerit suppressus.

Alia morbi vaccino-variolosi inferendi commendatio e comparatione eventuum desumitur, quos cum illa, tum variolae insitione productae habere solent. Quamquam enim variolae insitae plerumque sine periculo sanantur, exempla tamen infantum adulatorumque occurrunt, qui facta insitione confluentibus variolis correpti occubuere. Eiusmodi mors, cuius exemplum Exper. ODIERUS²⁵⁾ ipse vidit, magis acerbum amissae prolis desiderium relinquere, maioremque timorem incutere solet, quam si plures aegri morbo eodem sponte sua orto obiissent. Hinc cum sinister factae variolarum inoculationis exitus neque unquam tam certo prospici, neque ut nunquam fallamur, tanta cum securitate caveri queat, factum est, ut variolarum inoculatio, quamquam ea dirissimi morbi furorem coercere tantamque stragem avertere poterat, tamen nullibi in communem omnium usum cederet. Memoriam tam infelicis successus, quo variolarum inoculatio interdum stipata esse solet, recoluit GIRTANNERUS²⁶⁾ exempla quoque similia duo enarravit Exper. MACDONALDUS²⁷⁾. Nuper duo unius familiae infantes, a medico insiti hac nostra in urbe, a qua variolarum malignarum epidemia, quae varias Germaniae et Helvetiae regiones devastavit, et hoc ipso tempore Vitebergae grassatur, adhuc abest, hoc ipso morbo vitae sunt erepti (secundum tertiumque talis infortunii exemplum, ex quo apud nos variolae sunt insitae, h. e. intra XL fere annos). Quod quidem mortis periculum prorsus abest ab insitione morbi vaccino-variolosi. Nam quae ab adversariis novae huius inoculationis narrantur exempla infantum, variolis vaccinis mortuorum, ea aliunde explicanda esse videntur. WOODVILLII infans, qui aequae ac alius, a BALLHORNIO et STROMEYERO²⁸⁾ commemoratus, iam antea, quam vac-

25) *Biblioth. britann.* cuius particulam huc pertinentem adiunxit versionem latinam libri Jenneriani saepius laudati p. 26. Exp. CARENO.

26) Libro saepius laudato. p. 192. 198.

27) L. I. p. 41.

28) L. c. p. 136.

cino-varioloſo miasmate inficiebatur, varioloſo contagio correptus, huius, minime autem illius vi ſato ſungebatur ſuo. LENTINUS iunior cum infanti bienni, Hannoverae morbum vaccino-varioloſum inferuiſſet, non poterat impedire, quominus ille duodecimo poſt inoculationem die moreretur. Sed neutiquam in cauſſa huius mortis non opinæ erat inoculatio vaccino-varioloſa, ſed potius aſthma acutum Millarii, quo infans fuerat correptus ²⁹⁾. Quos a RAHNIO, viro illuſtri, inoculatos duos Tobleri filios ſupra narraui mortuos eſſe, aut quem retulit infantem Exper. SYBELIUS ³⁰⁾ poſt inoculationem variolarum vaccinarum diem ſupremum obiſſe, eos iam ante hanc inſitionem contagio variolarum fuiſſe infectos ita, ut infectioni vaccino-varioloſæ plane nullus concederetur locus, certum eſt atque indubitatum. Neque vero aliter ſeſe habere reperta eſt hiſtoria de infante prætoris Ileburgenſis, Cranoldi, cuius mors inſitioni variolarum vaccinarum tributa multos a remedio hoc contra variolas in uſum vocando abſterruit. Sed Exper. KREYSIGIUS ³¹⁾, cum Ileburgi commorans in rumoris huius undiquaque diffuſi veritatem inquireret, comperit, infanti quidem morbum vaccino-varioloſum ab Exper. FRANKIO, artem ibi faciente, inoculatum fuiſſe, miasma tamen, utpote quod ſiccum nimisque fortasſe diu conſervatum fuerat, plane nullos produxiſſe effectus, cum a variolis correptus infans huius morbi vi vita fungeretur. Denique commemorandum eſt exemplum infantis, qui Vitebergæ ab ipſis variolis vaccinis enecatus fuiſſe ferebatur. Res tamen ita ſe habuit. Puellula duorum annorum cum dimidio, vegeta, bene nutrita, abdomine ſatis tumido, et per hyemen tineæ obnoxia, una cum ſore iuniore inoculationi variolæ vaccinae ſubiiciebatur die tertio ante Calend. Februar. huius anni; fruſtra tamen, quamquam in ſore miasma vaccino-varioloſum efficaciffimum ſeſe præbuerat. Denuo igitur inferebatur d. XXI. Aprilis, feliciori cum ſucceſſu; nam tres puſtulae in dextro, una in ſiniſtro brachio comparuerunt die tertio. Die ſexto exanthema in tota corporis ſuperficie effloruit, quod variolas ſpurias eſſe inſequentibus proxime diebus conſtitit. Qui quidem morbus variolis vaccinis accedens neque huius de-

29) *Traité de l'inoc. vacc.* p. BALLHORN et STROMEYER. p. 140.

30) *L. 2.* p. 104.

31) *Neues Wittenb. Wochenb.* 1801. St. 20. p. 157.

cursum retardavit, neque ab his simul praesentibus auctus est. Ad tertium usque Maii bene omnia cefferunt, quo horis pomeridianis subito aliquoties animo linquitur infans, vermemque cum multa pituita viridis coloris per alvum excrevit. Quae animi deliquia cum a vermibus et pituitae nimia in intestinis accumulatione derivarentur, imperabatur pulvis e calomelanis, saccharo excepti, granis octo, cuius quarta pars omni bihorio, usque dum deiectiones nonnullae effectae fuerant, assumebatur. Alvus a dimidia pulveris huius quantitate per noctem aliquoties soluta cum verme exclusit pituitam viridem. Aegrota quamquam noctem inquietam transegerat, tamen nondum morti propinqua videbatur, quin potius pomum non sine cupiditate quadam comedebat. Propinata duobus reliqua calomelanis grana sexies alvum solvebant pomeridie. Nunc infans, debilior redditus, convellebatur. Ad vesperam deprehendebatur aegrota anhelans, pulsus celer et parvus, convulsionibusque subinde correptus, quae intra horae spatium vitam prorsus exstinguebant. Variola vaccinae, non nisi paucis ante mortem horis flaccescentes, continebant lympham tenuem. Causam huius mortis Exper. KREYSIGIUS haud temere in scarlatinae imminente efflorescentia reperisse sibi visus est: nam aegrotae soror adultior duobus ab illius morte diebus ab eodem morbo, tunc Vitebergae communi, et cum viridibus alvi deiectionibus incipiente, affiebatur, quo etiam fraterculus paulo post correptus obiit ³²). Quae cum ita fuerint, nisi alia eaque certiora proferantur exempla hominum, ab insitis variolis vaccinis mortuorum, manebit his ea laus atque commendatio, ut longe plures homines earum inoculatione conserventur, quam insitione variolarum felicissima.

Ultimum commodum, quod omnium primo loco ponendum erat, in eo quaerendum est, quod illi homines, qui morbo vaccino-variolofo genuino laboraverunt, per omnem reliquam vitam a contagio variolofo tuti redduntur atque securi. Cuius quidem commodi dignitas tanta est, ut paulo diductius de illo differere apud animum constituerim meum.

³²) Ibid. St. 21. p. 163. sequ.

§. 6.

Morbus vaccino-variolosus genuinus infectionem variolosam penitus delet.

Cum omnis Jenneriani inventi dignitas pendeat a veritate problematis, quo ii, qui febre specifica et exanthemate, quo morbus vaccino-variolosus sese prodit, laborant aut post fortuitam infectionem, aut post inoculationem factam, a variolis quod metuant, nihil habere afferuntur, facile est ad intelligendum, patronos huius methodi variolas praecavendi omni viri-um intentione in eo elaborasse, ut illud problema experimentis firmarent et ab adversariorum objectionibus vindicarent. Quam ob rem aut iis hominibus, qui morbum vaccino-variolosum superaverant, variolas inferuerunt, aut eos variolosorum aegrotorum commercio uti iusserunt, ut viderent, utrum eo huius tam efficacis miasmatis vis in corpus humanum deleta sit, an qui morbo vaccino-varioloso obnoxii fuerint, infectioni variolosae resistere non possent. E quindecim hominum millibus et quod excurrit, quibuscum in Anglia usque ad mensem Augustum anni superioris variolae vaccinae inoculatione communicatae erant, tertiam fere partem frustra miasmate varioloso infuso tentatam fuisse, ad Illustr. BLUMENBACHIUM scripsit Exp. ASH ¹⁾. Eadem experimenta eodem eventu BALLHORNII cum STROMEYERO ²⁾, Exper. MATTHAEI, medicus Hamelenfis ³⁾, ZIEGLERUS, medicus Quedlinburgensis ⁴⁾, CARENO, Vindobouensis ⁵⁾, ODIERUS, Genevensis ⁶⁾, SYBELIUS, Brandenburgensis ⁷⁾, Medici Parisienses, Rhemenfes ⁸⁾, Petropolitani alique quam

1) Vid. BALLHORN et STROMEYER *Traité*. p. 118.

2) *L. c.* p. 40. 60.

3) *L. c.* p. 41.

4) *Ibidem*. p. 136.

5) Conf. JENNERI *disquisitio*. p. 38.

6) *Die Kuhpocken, ein Mittel etc.* p. 90.

7) *Libr. laud.* p. 141.

8) HUSSON *l. c.* p. 64. ff.

plurimi repetierunt. Exper. KREYSIGIUS narrat ⁹⁾, nullum e centum et quatuor infantibus, quibus ipse morbum vaccino-variolosum inoculaverat, in ea, quae nunc Vitebergae grassatur, epidemia variolis correptum fuisse, quamquam infectionis opportunitatem evitare non poterant.

Quod quidem argumentum ab experientia petatum haud potest vi privari sua sic, ut dicamus, variolosum miasma nimis cito per inoculationem corporibus illatum fuisse, quam ut, persistente adhuc vi miasmatis vaccino-variolosi, efficaciam suam exserere posset. Nam JENNERUS inoculavit variolas hominibus, qui ante XXX usque XL annos morbo vaccino-varioloso correpti fuerant, nec unquam efficacem sese praebuit talis inoculatio ¹⁰⁾. Idem experti sunt PEARSONUS ¹¹⁾, HELLWAGIUS ¹²⁾, LAVATERUS ¹³⁾, SYBELIUS ¹⁴⁾, et Exp. MÜNCH, aulae Hannoveranae medicus, publici iuris faciet historiam feminae, quae ante XXX annos e variola vaccina aegrotavit, cuius vestigia in manuum cicatricibus ostendit. Haec, plurium liberorum mater, quos variolis decumbentes curavit, ab huius morbi contagio nunquam infecta fuit ¹⁵⁾.

Uterius adhuc progressi sunt, qui morbi vaccino-variolosi patrocinium susceperunt. Etenim contenderunt, illius vi non solum praecaveri variolosam infectionem, sed etiam effici, ut nunquam morbus vaccino-variolosus vel redeat semel superatus, vel oriatur post toleratas variolas. Quae quidem opinio quamquam exemplis multis in contrariam partem allatis infirmata est ¹⁶⁾, tamen et habet, quo sese tueri possit.

9) *Neues Wittenb. Wochenbl.* 1801. St. 21.

10) *Disquisitio etc.* p. 4. 5. sequ.

11) *Untersuchungen etc.* p. 11. 37. etc.

12) *Nord. Archiv.* I. p. 395. ff.

13) *Libr. cit.* p. 64.

14) *L. c.* p. 39. 40.

15) BALLHORN et STROMEYER *l. c.* praef. p. XXIII.

16) E multis laudare iuvat PEARSONUM (*Untersuch. etc.* p. 48. ff. 54. ff.), SYBELIUM (*l. c.* p. 38.) alios. Vid. et OSIANDRI *l. l.* p. 56.

Nam *primo* laudat ipse PEARSONUS variorum hominum testimonia, quibus probatur, eos, qui olim variolis aegrotaverint, morbo vaccino-variolofo non obnoxios fuisse ¹⁷⁾. Deinde distinguendum esse aiunt inter infectionem localem et eam, quae totam corporis constitutionem afficiat. Hoc inprimis urgent BALLHORNIIUS et STROMEYERUS, qui uti lubentissime concedunt, speciem pustulae, suppurantis adeo, in loco insitionis oriri posse, ita negant notas characteristicas adesse, quae genuinam variolam vaccinam distinguant ¹⁸⁾. Sententiae huius fundamentum quaerunt in historia hac. Scilicet chirurgus tiro-ni, variolis olim vexato, duabus puncturis miasma vaccino-variolosum insitum fuit. Vasorum inde lymphaticorum in loco insitionis, glandularumque subaxillarium tumor et dolor, febris, capitis dolor, tonsillarum et faucium inflammatio originem trahebant suam. Pustula vaccino-variolofo, quae in quolibet vulnere prodierat, citius stadia absolvebat sua, quam alias solet. Tandem febris scarlatina erumpebat. Has autem pustulas vaccino-variolas pro imperfectis habent, quae non possint evertere defensae sententiae veritatem. Quod etiam si concedamus, tamen nisi sumamus, variolas superatas fuisse spurias, non videmus, qua ratione possit historia explicari, ab iisdem duumviris allata ¹⁹⁾. Chirurgus militaris, quamquam, uti a parentibus acceperat, a variolis correptus infans fuerat, tamen suam ipse manum scalpro chirurgico vulneravit, quo ante dies duos ad inoculationem vaccino-variolosam usus erat. Oriebatur pustula, cuius uti apex foveam infundibuliformem, ita basis inflammationem periphericam ostendebat, quae signa pro maxime characteristicis habentur variolae vaccinae. Idem statuendum est de experientia STEINHAEUSERI, studiosi medicinae Vitebergensis, qui cum sibi ipse miasma vaccino-variolosum inseruisset, perfectam pustulam, inflammatione erysipelacea stipa-

¹⁷⁾ Vid. et *Phys. medio. Journ.* 1800. p. 650. ff. Eadem experti sunt Exper. viri KREYSIGIUS et GLAESERUS aliique. Vid. *Neues Wittenb. Wochenb.* 1801. No. 21. p. 162.

¹⁸⁾ Libr. cit. p. 64. Consentit ea in re cum hisce medicis D. TIERNY apud JENNER, *l. c.* p. 65. MACDONALDUS in epist. ad HELLWAG, (*Nord. Archiv* 1. p. 391.)

¹⁹⁾ *Traité de l'inoc. vacc.* p. 123.

tam, in cute efflorescere conspexit; qua de causa dubitat, quominus paucae istae pustulae, variolis similes, quae puero acciderunt, nec cicatrices reliquerunt, verae fuerint variolae ²⁰⁾. Denique nec satis accurate semper ad variolarum vaccinarum rationem, genuinae ne fuerint, an spuriae, respexisse videntur, qui talia exempla hominum protulerunt, morbo hoc bis aut pluries correptorum.

Eadem fere argumenta valent quoque ad probandum, homines, qui morbum vaccino-variolosum verum superaverunt, ab eodem iterum non affici. Eiusmodi exempla plura ab adversariis variolae vaccinae inoculandae, ut huius remedii prophylactici vanitatem evincant, publici iuris facta sunt, inter quae commemorare lubet cum illud, quod ad Altonam ²¹⁾, tum ea, quae ad Vitebergam ²²⁾ accidisse feruntur. Inprimis latissime percrebuit fama de Stoofia, octo annorum puella, cui mense Novembri anni superioris morbus vaccino-variolosus optimo, uti contendebatur, cum successu inoculatus erat, variolis paulo post spuriis correpta et, anno proxime infecuto, veris iisque malignissimis mortua. De qua puella orta est inter medicos controversia ²³⁾, MACDONALDO Hamburgensi omnem in chirurgum Boernerum, qui cum Stoofiam cum duobus consanguineis inoculasset, spurias variolas pro veris habuerit, culpam transferente, MUMSENO autem Altonaviensi hunc ab ea liberante, et productas infectione variolas vaccinas in Stoofia veras fuisse adserente. Quam sententiam his argumentis firmat. Consanguineos Stoofiae, eadem materia, qua soror inoculata erat, infectos, variolarum malignarum contagio, qua soror ipsorum enecabatur, licet contubernio eius perpetuo uterentur, fortiter tamen restitisse, materiamque ad horum trium infantum inoculationem adhibitam ex eadem pustula haustam fuisse, e qua iam antea MACDONALDUS lympham desumerat, ob praeclaram eius indolem multis laudibus celebratam. Horum argumentorum prius poterat fortasse ab adversariis eludi sic, ut diceretur, cum constet, non semper infectionem

20) Neues Wittenb. Wochenbl. 1801. No. 21. p. 162.

21) Altonaer Merc. 1801. Maerz 14. Allgem. Zeit. 1801. p. 314.

22) Neues Wittenb. Wochenbl. 1. c.

23) Vid. Blätter f. Policy u. Cultur. 1801. St. 6. p. 9—32.

variolosam locum habere, etiam si opportunitates eius adfuerint, non posse ab infectionis variolosae absentia ad vaccino-variolosae inoculationis efficaciam recte concludi: posterius autem nisi penitus evertunt, tamen impugnant ea, quae Exper. KREYSIGIUS protulit de variolarum vaccinarum spuriarum causis, inter quas tertio loco retulit materiam, quae postea, quam lympham iam ex infitionis pustula desumpta est, excipitur gossypio, aut filis telae gossypinae. Quae cum ita sint, videtur unicum argumentum, quo MUMSENI sententia omnium optime firmari potest, in variolarum infitione positum esse, quae si in Stoothiae consanguineis inefficax deprehensa fuerit, indicabit, variolas vaccinas genuinas non potuisse sororem morti, variolarum malignarum contagio effectae, eripere. Cum hac historia convenit multum illa, quam publici iuris fecit Exper. HOOPER (*the London med. Review* Vol. I. 1799. p. 505—503) de duobus fratribus, qui morbum vaccino-variolosum ex ipsis vaccarum uberibus contraxerant ita, ut e pustulis, in variis corporum locis ortis, vehementer aegrotarent. Alter horum fratrum post quinquennium variolis malignis correptus moriebatur; alter bis postea variolis inoculatus horum contagio adfectus non fuit. Has autem variolas vaccinas fuisse veras, nondum extra omnem dubitationem positum est: nam HOOPER vaccas, unde hi fratres morbum nacti sunt, contendit *morbo quodam pustuloso* (a pustular disease) laboravisse. In pago Vitebergae vicino, Kropstadio, eiusque vicinia multi infantes, quibus et Exper. LANGGUTHIUS, et chirurgus quidam variolas vaccinas inoculaverant, variolis decubuisse ferebantur. Sed cum Exper. LANGGUTHIUS accuratius in rumoris certitudinem inquireret, tota res eo redibat, ut unus infans, in quo miasmatis vaccino-variolosi inoculatio non successerat, variolis correptus esset, chirurgusque, a quo plures infantes prope Kropstadium inoculati erant variolis vaccinis, tam mancam atque imperfectam huius morbi cognitionem haberet, ut eius experimentis nulla plane fides haberi posset.

(2) Tunc de hinc videri p. XVI. Hinc octo homines, qui a Praxino
(Langguthius, etc. p. 51.) non eundem miasmatis inoculati sunt, a Praxino
vaccino-variolo homines mandant.

(3) Tunc de hinc videri p. 40. Incidit enim tempore, quibus corpus humanum
miasmatis varioloso in hunc illud formis resistit, inter omnes medicos
constat, necesse impo. circa vaccino-variolo in propria dicitur et pecu-

Inoculationis ratio.

Cum inter omnes fere et medicos et chirurgos, qui inoculationem morbi vaccino-variolosi instituerunt, soleant de eiusdem incerto successu querelae moveri¹⁾, tempora sunt omnino diligentissime expendenda, quibus hic ipse ingratus casus iure meritoque adscribi et possit et debeat. Nam verendum haud temere est, ne ii, apud quos insitio huius morbi, semel tantum administrata, omni caruit efficacia, si neglecta eiusdem repetitione a variolarum contagio aliquando fuerint correpti, labem adspergant morbo vaccino-variolofo, eumque in suspicionem nullius adversus variolas praecavendas efficacitatis adducant. Quamobrem Exper. BALLHORNIIUS et STROMEYERUS inprimis laudandi sunt, quod accuratius, quam reliqui de variolis vaccinis scriptores, fontes rimati sunt, e quibus tot frustratae insitionis morbi vaccino-variolosi fluant exempla. Et tres quidem commemorarunt, quorum primum in ficcitate materiae, qua insitio plerumque perfici solet²⁾, alterum in defectu perseverantiae insitionis tentamina repetendi, ubi unum alterumque expectatos effectus non produxerit³⁾, tertium denique in morbis cutaneis prae-

1) JENNER disquis. de causis et effect. var. vaccin. p. 59. LAVATER (lib. cit. p. 62.) inter LXXIII infantes, quibuscum morbum istum insitione communicare conatus est, undeviginti erant, in quibus inoculatio iteranda erat. Nec repetita operatio successit in omnibus, sed quatuordecim tertium eidem subiici debabant. Decem denique plane neque a contagio vaccino-variolofo, neque a variolarum ipsis postea insitarum veneno afficiebantur. Idem experti et alii medici, qui Lavaterum de ipsorum inoculationem vaccino-variolosam promovendi conatibus per literas certiores fecerunt, et de CARRO (in epist. ad Ballhornium in Huius Traité de l'inocul. etc. p. 132.), et SYBELIUS l. c. p. 57. 62. sequ. etc.

2) Traité de l'inoc. vacc. préface p. XXI. Hinc octo homines, qui a PEARSONO (Untersuchung. etc. p. 31.) sicco eiusmodi miasmate inoculabantur, a morbo vaccino-variolofo immunes manebant.

3) Traité de l'inoc. vacc. p. 40. Incidere enim tempora, quibus corpus humanum miasmati qualicunque in ipsum illato fortissime resistat, inter omnes medicos constat; nec haec impotentia veneno vaccino-variolofo ita propria quasi et pecu-

cipue ponunt, impredientibus, quominus miasma vaccino-variolosum efficaciam exferat suam ⁴⁾. Praeter hos autem fontes et alii sint necesse est, unde inoculationis vaccino-variolosae incerti eventus debeant derivari. Etenim et tunc eiusdem efficacia saepe destituimur, cum materia maxime recenti, h. e. tali, quae in ipsis inoculationis momento e variola vaccina desumitur, ad inferendum morbum utimur. Vidnetur multum valere ad huius miasmatis vim imminuendam aëris liberior ad illud accessio, paulo diuturnior materiae in variola vaccina commoratio, aeris atmosphaerici quaedam, nondum satis extricata constitutio et alia, quae cum nondum experimentis confirmata sint, sed solis coniecturis innitantur, hac commentatione enumerare nolui, utiliore operam perficere ratus, si eam, quam suscepi, historici personam tueri, atque diligenter colligere conatus fuero, quae ad certum et constantem inoculationis morbi vaccino-variolosi eventum facientia, hic illic dispersa reperiri potuerunt.

Quae quidem haud incommode ad haec tria capita referri posse videntur, ut primo ad materiem, qua morbus vaccino-variolosus inferitur, dein ad viam et rationem, qua inoculatio institui solet, denique ad locum respiciam, quo commodissime miasma illud corpori humano applicatur.

a) *Materies ad inoculationem adhibita.*

Miasma illud vaccino-variolosum efficacissimum habetur, quod e pustulis desumptum est, nondum pus, sed lympham prorsus pellucidam continentibus, sive iis, in quibus foveola infundibuliformis, in earum apicibus conspicua, nondum penitus evanuit. Quoscunque enim BALL-

liaris censenda est, ut illud hac in re cadat miasmati varioloso. De hoc enim idem observarunt BALLHORNIIUS in praef. ad JENNERUM (*Unters. üb. d. Urs. u. Wirkung. d. Kuhpock.*) p. 2. not. ODIER in vers. lat. Jenneriani libri p. 28. alique quam plurimi.

4) Libr. cit p. 41. Scabiëi inprimis mentionem faciunt. Praeter hanc et alii morbi, v. c. tussis ferina, inoculationis successum impedire creduntur. Id certe in duobus infantibus observasse sibi visus est Exper. ZIEGLERUS apud BALLHORNIIUM libr. cit. p. 134.

HORNIUS et STROMEYERUS ⁵⁾ purulenta materia vaccino-variolosa infectere studuerunt, ii infecti vere non sunt, sed ostenderunt potius symptomata quaedam dubia, a quibus signa infectionis vaccino-variolosae characteristica aberant. E plurimis experimentis hac de re institutis didicere iidem, inde a septimo usque ad decimum, interdum ad duodecimum usque diem quammaxime idoneam materiam esse ad morbi vaccino-variolosi inoculationem perficiendam ⁶⁾. Sed cum supra monerem, hunc ipsum morbum ob aegroti corporis constitutionem, materiaeque insitae maiorem minoremve efficaciam etc. nunc intra angustiores, nunc intra latiores terminos concludi, apparet aptitudinem miasmatis vaccino-variolosi ad infectionis producendae effectum muniendum non edierum numero, quibus morbus perduravit, sed e pustulae habitu et forma esse diiudicandam. Hinc MACDONALDUS ⁷⁾ ad rubedinis erysipelaceae efflorescentiam potius, quam ad morbi vaccino-variolosi durationem respexit, statuitque materiam ad felicem inoculationem minus aptam esse, cum rubor ille erysipelaceus, pustulae basin cingens, iam ortus est. Quam quidem temporis, ad colligendum miasma vaccino-variolosum idonei, definitionem experimentis aliorum medicorum non confirmari scio. Nostri enim medici optimo cum successu utuntur lymphā, e pustulis desumptā, in quarum basibus erysipelaceus circulus iam apparere coepit. Exp. KREYSIGIUS autem, a septimo usque ad decimum diem miasma colligens, cum suadere videatur, ut mature illud h. e. septimo die filis telae gossypinae excipiatur, forte minus bene maturatam, sed crudam adhuc eamque ob causam acriorem materiam habebit. Exp. enim KAPPIUS observasse sibi visus est, a tali lymphā vulneris facti inflammationem effici maiorem. — Pustula porro si forte rupta fuerit, lymphamque aëris accessui exposuerit, parum laudabilem materiam suppeditabit, quippe quae per hoc ipsum cum aëre

5) Libr. cit. p. 64.

6) Idem statuit et PEARSONUS apud Ballhornium l. c. p. 97. quamquam arctioribus adhuc limitibus hoc tempus intra octavum ad undecimum usque diem concludit. Neque ab hoc praecepto recedunt, qui Lipsiae inferendis variolis vaccinis operam dant medici, quibusque certissimus inoculationis successus observari soleta materia, octavo aut nono die e pustulis vaccino-variolosis desumpta.

7) *Blätter f. Policy u. Cultur* 1801. St. 6. p. 14.

connubium decomponi et vi ac efficientia sua privari videtur ⁸⁾). Nescio, an ad hoc phaenomenon explicandum aliquid facere possint cum experimenta GIRTANNERI ⁹⁾, quibus constitit, virus variolosum, maxime efficax, ubi per aliquod tempus aëri oxygenio expositum fuerat, omni efficacia privatum esse sua, tum observationes, e quibus patuit, materiam vaccino-variolosam, cuspidi cultelli chirurgici illitam, ubi haec inde intra brevissimum tempus robigine obducta fuerat, omnem inficiendi vim amittere, nec aquae vaporibus sive saliva emollitam morbo vaccino-variolofo producendo amplius sufficere ¹⁰⁾).

Neque tamen is sum, qui omnino negare audeat, nunquam posse inoculationem morbi vaccino-variolosi felici cum successu institui cum materia longe tardius, quam paulo ante indicatum est, e pustulis vaccinis deprompta. Novi enim medicum Hannoveranum, qui ad inferendum feliciter morbum vaccino-variolosum pure usus est, quod e pustulis suppurantibus hauserat, eruptionis vaccinae subsequenter nomine insignitis: infectio vere locum habuit, symptomatibus autem paulo vehementioribus, quam esse solent, cum variola vaccina sine eruptione pustulosa subsequente evanescit. Et alius pueri notitiam habeo, qui inter pueros vivens, evariolis vaccinis inoculatis eruptione adhuc subsequente laborantes, exanthemate quodam correptus, quod forte eiusdem cum eruptione vaccinosa subsequente naturae fuit, anno post variolarum insitioni, quae in ipso duobusque consanguineis instituebatur, bis restitit aequae ac contagio, cui, dum hi aegrotabant, perpetuo expositus erat. HELLWAGIUS autem ipsi crustae, qua variola vaccina obtegitur, cum morbo vaccino-variolofo sanum hominem inficiendi vim inesse animadvertit ¹¹⁾). Quod quidem exemplum si omni dubitationi superius fuerit, crusta illa

8) HUSSON l. c. p. 83.

9) Vid. J. H. VOIGT's *Magaz. f. d. Neueste n. d. Phys. u. Naturgesch.* Vol. X. P. 1. p. 183. ad quae experimenta provocat GIRTANNERUS *Abbandl. üb. d. Krankheit, d. Kind.* p. 203.

10) BALLHORN et STROMEYER libr. cit. p. 79. HESSERT et PILGER *üb. d. Kuhpocken u. d. Impfung.* Zweyte Aufl. 1801. 8. p. 23. 24.

11) Nord. Archiv. I. p. 413.

pustulam certo texerat, non ruptam, sed cuius limpida contagiumque vaccino-variolosum continens materies, aquosis particulis absorptis, sensim sensimque spissior reddita partem crustae effecerat. Nam alii crustas pustularum vaccino-variolosarum, ad quarum interiora ob superficiei rupturam aëri atmosphaerico liber aditus patuerat, plane inefficaces ad insitionem morbi procurandamprehenderunt.

Quae hucusque attuli, ea spectant materiam recentem, e brachio aegroti hominis in brachium sani insitione transferendam. Sed non omnibus medicis omnique tempore contingit esse tam felicibus, ut recenti materia ad inoculationem variolarum vaccinarum uti possint. Quamobrem, cum superius iam sit monitum, inoculationem morbi vaccino-variolosi uti in universum, ita imprimis tunc, cum ad eam sicca materies adhibita est, nostram spem, de eius successu conceptam, saepius fallere, maxima animi attentione opus est, ut eam sic conservemus, ne nostra culpa eius efficacia brevissimo tempore evanescat ¹²⁾. Tres potissimum eo consilio vias ingressi sunt Angli, cum venenum vaccino-variolosum in exteras, easque interdum maxime distitas transmitterent regiones. Etenim materiam e pustula vaccino-variolosa aut filis telae gossipinae subtilioris excipiebant, quae sive chartula duplicata ¹³⁾, sive vitreis vasculis includebantur, aëre sic dicto hydrogenio plenis ¹⁴⁾, aut cultellorum chirurgicorum acumque latarum cuspides, veneno vaccino-varioloso infectas iterumque ficcatas, vel chartula involuebant, vel obturaculo suberino includebant, ita ut, si hoc vasi vitreo angustiori ¹⁵⁾ adeoque aëris paucam quantitatem continenti tanquam epistomium applicatum fuerat,

12) In causas huius breviter durantis efficaciae, in veneno vaccino-varioloso observatae, inquisiverunt BALLHORNIIUS et STROMEYERUS l. c. p. 71. quas, cum sint fere omnes in coniecturis repositae, h. l. enumerare nolui.

13) Exper. HELLWAGIUS subtiliores stanni laminas adhibuit, sicque involuta fila vitreo vasculo immisit probe obturato. *Nord. Archiv* l. p. 429. Vid. et OSIAENDER l. c. p. 160. qui omnino de hoc argumento consulendus est.

14) *Phys. medic. Journ.* 1800. p. 660.

15) BALLHORNIIUS cum STROMEYERO vitrum satis amplum adhiberi volunt; non recte, opinor. *Libr. cit.* p. 79.

non nisi cuspis in vasis cavitatem promineret. Aeris atmosphaerici accessum ad vasis interiora impediabant inducta obturaculo suberino solutione spirituosa cerae signatoriae. Habet tamen haec venenum vaccino-variolosum conservandi et transmittendi via ac ratio sua incommoda. Nam aut a parva inclusi aeris copia, aut ipsius veneni vaccino-variolosi vi cuspidis instrumentorum ferreorum robigine obducuntur, qua indoles veneni ita immutari solet, ut aut plane nullam efficaciam exserat, aut morbum producat spurium, nec a variolarum contagio munientem. Cui quidem incommodo obviam ire student BALLHORNIIUS et STROMEYERUS ¹⁶⁾ aut adhibitis acubus argenteis aut inducta cuspidi ante infectionem tenui vernicis crusta, cuius fragmenta forte, ubi instrumenta in usum vocantur, a levissima eorum superficie decedentia, simul vulnere inflicto inferuntur et stimulum producant, veneni vaccino-variolosi efficaciae adversum. Argenteas igitur acus praetulerim. Sed cum nondum experimentis constet, quid aer atmosphaericus valeat ad veneni illius naturam immutandam, videtur quoque omnis omnino aeris contactus diligentissime arcendus esse a cuspidibus veneno vaccino-varioloso imbutis. Quo quidem consilio vitrea vascula elegerim admodum angusta, nec profundiora, quam ut cuspidem prominentem capere possint, eorumque probe calefactorum aperturam subito occluserim obturaculo suberino, cui, ut aer externus eo certius a vasculi ingressu praecluderetur, densam vernicis brevi ficcescentis crustam obduxerim. Hoc aere, per calorem multum rarefacto, retentum venenum diutius fortasse virtute gaudebit sua. Coniecturae autem huic parum tribuo, cum experimentis solis accurate institutis saepiusque repetitis hac in re sit fidendum ¹⁷⁾.

Tertia adhuc superest via, qua materiei, ad inoculandum morbum vaccino-variolosum aptae, vis ac efficacia per longum temporis spatium potest conservari. Tabulas nempe vitreas duas, levissima maximeque

¹⁶⁾ Libr. citat. p. 79.

¹⁷⁾ Ad similia experimenta capienda medicos provocant BALLHORNIIUS et STROMEYERUS, ut certiores reddamur, quamdiu filorum, veneno vaccino bene imbutorum, et tubis barometri arctissime clausis asservatorum, efficacia sit duratura. Libr. cit. p. 79.

aequali superficie instructos, eiusdem magnitudinis, pustulae vaccino-variolosae, veneno admodum turgidae, eique apertae affricare solent, ut alterutra earum superficies inde imbuatur, quo facto hae superficies sibi invicem impositae filo lineo aut sericeo firmantur, marginesque tabularum vitrearum cera liquefacta diligenter obducuntur. Quae quidem materia vaccino-variolosa si in usum vocanda est, remotis a se invicem tabulis vitreis, guttula aquae ¹⁸⁾ humectatur, atque ad eum fluiditatis gradum perducta, qui oleis proprius esse solet, cuspide cultelli chirurgici in cutem inferitur. Hoc modo Parisiis Holmiam, Genuam et ad plurimas Galliarum urbes translatum venenum vaccino-variolosum effectus edidit optatissimos ¹⁹⁾. Sed cum semper praestet fluido adhuc veneno uti, non illo siccato iterumque soluto, quod si omnino efficax est, efficaciam suam longe tardius, quam illud prodit ²⁰⁾, praeferenda est illa, a BALLHORNIO et STROMEYERO descripta methodus, qua fluida veneni vaccino-variolosi natura diu conservari potest ²¹⁾. Principem huius apparatus partem duae itidem constituunt tabulae vitreae, quarum superficies contiguae poliendo sic laevigatae sunt, ut sese invicem accuratissime contingant. Hae superficies ita obducuntur tenui crusta cerati citrini, ut ea a cavitate, alterutri vitro insculpta, tribus aut quatuor lineis distet. Jam profluens ex apertis pustulis vaccino-variolosis lymphæ excipitur gossypio aut linteo carpto, quod probe madidum illi cavitati immittitur, tegiturque altera tabula vitrea, cum vi quadam alteri appressa. Ambarum accuratior contactus munitur circumductis filis lineis aut sericeis; margines eodem cerato liquefacto, totusque apparatus solutione spirituosæ cerae signatoriae obducuntur. Hoc quidem modo per tres septimanas conservata est efficacia veneni, quae nec desit, cum idem gossypium, inocu-

18) Frigidam sunt qui praeferant. Levissimum enim caloris gradum vim veneni huius infringere monuit JENNERUS. Vid. ODIER in *Die Kuhpocken, ein Mittel* etc. p. 82. Vereor tamen, ne hac in re a vero aberraverit JENNERUS. Nam SYBELIUS l. c. p. 42. tepida usus eodem consilio, spe sua non excidit, sed morbum produxit vaccino-variolosum.

19) HUSSON l. c. p. 83 seq.

20) HUSSONO teste pag. cit.

21) Vid. *Traité de l'inoculation, vaccine* p. 72.

latione peracta, iterum intra tabulas vitreas, uti antea, concluderetur per quindecim dies. Exp. KREYSIGIUS ad conservationem veneni vaccino-variolosi utitur eodem apparatu, eiusque aptitudinem laudat. Monet tamen eos, qui hoc ipso apparatu materiam vaccino-variolosam ad futuros usus condere cupiunt, utne totam vitri cavitatem hac ipsa materia expleant, quippe quae hoc modo facilius corrumpatur, quam si gossypium ea probe imbuatur. (*Neu. Wittenb. Wochenbl.* 1801. St. 21. p. 167).

Qui excipiunt venenum illud agarico igniario praeparato, hi illud vi privant sua. Cuius quidem phaenomeni causa utrum in urina aut nitro lateat, ad praeparationem huius agarici adhiberi solitis, quae sententia seu potius coniectura fuit BALLHORNII et STROMEYERI ²²⁾, an in acido adstringente, quod agarico inest, pluribus disquirere nec lubet, nec vacat. — Sunt denique, qui nono aut decimo post inoculationem die pustulam vaccino-variolosam, in insitionis loco enatam, pulvillo obtegant e subtiliori tela gossypina carpta, emplastri adhaesivi ope firmato. Altero die post pulvillus iste demitur compensaturque novo, ubi pustula, inflammatorio circulo circumdata, lympham adhuc profundero deprehensa fuerit. Horum pulvillorum fila, satis veneno impraegnata, tubis barometri includuntur, accuratissime postea clausis ²³⁾.

b) *Via ac ratio, qua inoculatio morbi vaccino-variolosi insitui solet.*

Quae inferendis corpori humano variolis inserviunt, cum eaedem viae ac rationes etiam inoculando morbo vaccino-varioloso abhibeantur, potero brevibus hoc argumentum pertractare.

Puncturae ope cultelli chirurgici aut acus ita epidermidi infliguntur, ut tantummodo parum sanguinis exsudet e vulnuscule. Nam si profundius usque in cutem ipsam, quin in subiacentes adeo partes cultelli cuspidis adigitur, nimia orietur inflammatio, inoculationis successum turbatura ²⁴⁾.

22) Libr. cit. p. 77.

23) Ibid. p. 70.

24) Vid. Aikin, libr. cit. p. 45.

Unde facile est ad intelligendum, quid statuendum sit de Jo. VALENT. MÜLLERI consilio, instrumenti cuspidem tribus brachii locis ad duarum linearum profunditatem cuti infigendi. Hanc puncturae ope inferendi methodum reliquis omnibus Galli praeferunt, quippe quae minorem inflammationem producat, quam vesicatoria efficere soleant, eamque ipsam angustioribus terminis circumscribat, quam adhibitae incisiones, nec opus habeat corporis peregrini in vulnera introductione, inflammationem vulneris ita saepius augente, ut miasmatis vaccino-variolosi vis inde supprimatur. Quibus commodis addunt et certiores operationis successum, huic inferendi morbi vaccino-variolosi viae ac rationi proprium²⁵⁾, quem confirmant experimenta a medico Hannoverano, et Exper. de CARRO frequentissime instituta.

Adhibitus ad operationem perficiendam anceps cultellus chirurgicus, fluido veneno vaccino-varioloso imbutus, cuti tensae applicatur ad perpendicularum²⁶⁾, atque cuticula transfixa deprimitur ut horizontali fere directione intra cuticulam cutimque ad lineae unius cum dimidia altitudinem adigi possit. Quo facto pollice alterius manus, qua cutis in laevam superficiem extensa fuerat, cuticula, a subiacentibus partibus separata, cultro paululum adprimitur, ut eo melius venenum vaccino-variolosum a cultri cuspe abstergatur. Post brevem in vulnere moram instrumentum extrahitur. Neque differt operatio, si in ancipitis cultri chirurgici locum acum substituimus, cuius cuspis in planam latioreque superficiem extensa est.

Cum utroque instrumento permultis hominibus morbum vaccino-variolosum infereret Exper. HUSSONUS,prehendisse sibi visus est, suc-

25) HUSSON libr. cit. p. 70. seq. Exp. EBERTUS autem, medicus Principis Schwarzenburg-Sondershusani, in quinque infantibus eadem materia vaccino-variolosa inoculationem instituit, ita, ut tribus fila, illo miasmate impraegnata, vulneribus factis immitteret, in duobus reliquis materiam apici scalpri chirurgici illitam, puncturis inferret. Prioribus tantum successit inoculatio. BALLHORNUS et STROMEYERUS libr. cit. p. 81. Causa tamen in promptu est irriti successus duarum reliquarum insitionum.

26) Vid. WOODVILLE observat. on the Cow-pox. Lond. 1801. laudatum ab ARKINO (*Kurze Darstellung etc.*) p. 46.

cessum operationis longe constantiorem locum habere, ancipiti cultello potius, quam acu, in usum vocato ²⁷⁾). Quamquam enim margines cultri latiores maius infligunt vulnus, sanguisque inde propullulans praeter terrorem, quem infantibus aequae ac matribus iniicere solet, etiam metum offert, ne venenum vaccino-variolosum cum sanguine profluens nullam plane efficaciam exferat, tamen timorem hunc plane vanum esse experimentorum fide constitit. Successus autem constans, quem habuerunt insitiones ope acus institutae, recte, si quid video, tribuitur ab HUSONO malae cuspidis conformationi, quae adeo non planitiem veram retulerit, ut potius convexam superficiem ostenderit, unde venenum vaccino-variolosum facile poterat defluere. Hinc omnium commodissimam huic incommodo medelam adferri posse putabat canaliculo recto per cuspidis longitudinem excavato, quo materies ad inoculationem apta quasi recondi possit. Praeter hanc operationis haud succedentis frequentiam, ab acuum usu repetendam, huic ipsi quoque adscribit et variolae vaccinae parvitatem, et infectionis tardius sese manifestantis initium.

Tales quidem puncturae in quolibet brachio plures, tres plerumque quin quatuor, adhibentur, ut eo securiores de operationis successu esse possimus. Vulneribus inflictis et miasmate vaccino-varioloso iam infectis potest eodem consilio venenum adhuc atteri, aut, quod medicus Hannoveranus, supra commemoratus, optimo cum successu fecerat, splenium imponi, veneno illo bene madidum, et aliquamdiu ibi relinquendum.

Incisionibus ubi uti voluerimus ad insitionem perficiendam, cultrum adhibebimus, cuius acies convexo margine praedita est. Tribus locis, paululum a se invicem remotis, vulnera aperiuntur, tribus aut quatuor lineis longa, nec tam profunda, ut sanguinem largiter stillent. Nam tunc oriuntur, testibus VALENTINO et DEZOTEUX ²⁸⁾, ulcera, ad sanandum difficilia. Filum, cui materia sicca adhaeret vaccino-variolosa, emollitum antea aut vapore bullientis aquae, aut e JENNERI consilio, halitu, aut saliva, vulnerique immissum tegitur emplastro glutinoso. Praeter-

²⁷⁾ L. c. p. 77.

²⁸⁾ Traité historique et pratique de l'inoculation, à Par. idem moniteur.

lapsis XXIV horis extrahitur illud e vulnere, et omnibus sanguinis coagulati et labia vulnusculi obsidentis vestigiis scalpri dorso ablatis, in eius locum aliud filum, materia vaccino-variolosa imbutum, reponitur, quod una cum emplastro, quo firmabatur, post triduum demitur ²⁹⁾. Recentem autem materiam ubi ad infitionem morbi adhibere licet, fila vulneribus inferenda per pustulam vaccino-variolosam traiciuntur, ut probe inficiantur veneno; quo facto intra vulnusculorum labia reposita obteguntur tenui membrana, qua bractearii uti solent, firmata illa aliquot emplastri adhaesivi taeniis.

Vesicatoriis denique inoculatio perfici solet. Et JENNERUS quidem ³⁰⁾ hanc rationem ita perfici posse putat, ut parvula emplastri vesicatorii mica, veneno vaccino imbuta, cuti imponatur. Nescio autem, an sic ad finem propositum finis perventuri. Nam irritatione cutis, vesicatorii ope producta, omnis resorptionis effectus destrui debere videtur. Praeterea autem aliud incommodum habet haec inoculandi ratio. Nam si verum est, quod sunt qui adserant, efficaciam miasmatis vaccino-variolosi iam ab emplastro communi aut citrino etiam, quo vulnus obtegi solet, ob oleosas, quas continent, partes multum imminui, profecto multo magis id metuendum erit, si cum emplastro vesicatorio idem miasma coniungitur. Quamobrem praefenda erit ea methodus, quam vulgo adhibere solent. Scilicet applicant loco, quo inoculatio instituenda est, emplastrum vesicatorium, elevatam inde cuticulam removent, partibusque subiacentibus venenum vaccino-variolosum sive siccum, sive humidum imponunt. Et si autem LAVATERUS ³¹⁾ hanc morbum vaccino-variolosum inferendi rationem tanquam eam laudat, cuius successus longe minus, quam reliquarum, expectationem fallat, tamen ipse (p. 67.) vulnuscula scissa tunc praefert, quando cum recenti eaque fluida materia inoculatio institui possit. Pustulas enim tunc melius adsurgere, efficaciusque venenum praebere ³²⁾: adhibito contra ea vesicatorio, inprimis paulu-

29) BALLHORN et STROMEYER l. c. p. 65. 66.

30) Libr. cit. p. 60. vers. lat.

31) Libr. cit. p. 21.

32) Hinc Exper. KREYSIGIUS (*Neues Wittenb. Wochenbl.* 1801. St. 21.) originem variolarum vaccinarum spuriarum derivat a materia, desumpta e pustulis, quae infitionem morbi vesicatoriorum ope peractam sequuntur.

lum maiore, inflammationem nonnisi et suppurationem largam produci, unde dubium fiat, an morbus vaccino-variolosus vere adfuerit nec ne. Qua in re consentientes habet BALLHORNIIUM et STROMEYERUM, qui cum vesicatoriorum ad inoculationem perficiendam usum reiicerent, huius iudicii argumenta repetebant cum a nimio humorum ferosorum ad infiltrationis locum adfluxu, quo miasma vaccino-variolosum ita attenuetur, ut non nisi mancos, si ullos effectus producere queat, tum ab ulceribus, quae facillime a vesicatoriorum usu relinquantur, et omnibus remediis diu pertinaciter resistent³³⁾. — Equidem vesicatoria tunc demum in usum ducerem, si infantibus morbus vaccino-variolosus inferi debet, nunquam quietis, aut scindentis instrumenti aciem nimium reformidantibus. Nam vesicatorio adhibito, quod inprimis vesperi impositum vix sensibili agit modo, et nimis profundam vulneris inflictionem, atque ob clamores largam sanguinis profusionem evitamus, et a vehementibus animi adfectionibus infantes temperamus.

Verbo liceat h. l. commemorare infiltrationis modum, sine omni cuticulae cutisque vulnere perficiendum, quem commendavit Exp. HUSSON³⁴⁾. Is enim putabat, venenum vaccino-variolosum, si cuti antea frictione sicca rubefactae atteratur, a systemate vasorum lymphaticorum assumptum variolas vaccinas producere posse.

c. Locus, quo miasma vaccino-variolosum omnium commodissime corpori humano applicatur.

Omnes fere, qui in administranda infiltrationis morbi vaccino-variolosi defudarunt, in eo consentiunt, ut partem exterioriorem et superiorem brachii illam eligant, qua miasma variolosum in corpus sanum solet inferri. Locus enim ille, quamquam glandulis subaxillaribus propinquus est, earumque intumescuntiam adsumtae a proximis vasis lymphaticis particulae vaccino-variolosae facile efficiunt, tamen ob situs commoditatem, quae inoculationem facillimam reddit, et cicatrices, si quae forte in loco infiltrationis remanserint, visui subtrahit, lubentissime eligitur.

33) Idem crimen vesicatoriis imputat Exper. HUSSON l. c. p. 70.

34) Libr. cit. p. 74.

Solent et variolae intra pollicem et indicem manus inferi; eodemque loco corpori admoventur miasma vaccino-variolosum Exper. SYBELIUS ³⁵⁾ et HUSSONUS ³⁶⁾, quorum ille tantum pruritus in loco vulnerato expertus est, ut vix se a scabendo continere posset. Quod si homini adulto sui que animi potenti iam admodum molestum erat, infantes inde multo magis adficiuntur, adeo ut haud temere verendum sit, ne pustula vaccino-variolosa, ob perpetuum eius pruritus nimium scalpando irritata, aut nimis largam feri copiam fundat, qua miasma vaccino-variolosum e vulnere prius eluatur, quam vim ipsi propriam exserere possit, aut in ulcus abeat pertinacissimum ³⁷⁾. Praeter hoc incommodum, quod huic infitionis loco tribuitur, HUSSONUS *l. c.* et aliud observasse sibi visus est: nam pustulae intra pollicem et indicem manus enatae maiorem acquirebant magnitudinem, quam illae, quae in brachio efflorescebant.

Denique audiivi medicos aut Francosurteneses aut vicinos ad infitionem morbi vaccino-variolosi furas praeferre reliquis omnibus corporis humani partibus, quoniam experientia edocti fuerint, morbum tunc longe mitiorem esse, quam si miasma brachio inoculetur. Idem observatum fuit in variolarum infitione.

³⁵⁾ Libr. cit. p. 42.

³⁶⁾ Loco saepius laudato p. 74.

³⁷⁾ BALLHORN et STROMEYER *l. c.* p. 82.

N e u e
V e r l a g s - A r t i k e l
d e r
S c h ä f e r i s c h e n B u c h h a n d l u n g
i n L e i p z i g.

Abernethy's, I., chirurg. und physiol. Versuche. Zweyter Band, übersetzt und mit einigen Zusätzen begleitet v. D. C. G. Kühn. 8. 1801. 18 Gr.

Familie, die, Medicis in ihren glänzendst. Epochen. Ein histor. dram. Gemählde. Vom Verfasser der Familie Eboli. Th. 3. 8. 1801. 1 Thlr. 12 Gr.

Haar, Jak. van der, auserlesene medicinisch-chirurgische Abhandl. und Wahrnehmungen. Aus dem Holländ. mit vielen Anmerkungen und Zusätzen von D. I. A. Schmidt. 1. Th. 8. 1801. 22 Gr.

Kühn, C. G., de exanthemate, quod vulgo variolarum vaccinarum nomine insigniri solet, commentarius. Part. I. 4. 1801. 12 Gr.

Lipfii, J. G., bibliotheca nummaria s. catal. auctor. qui usque ad sec. XVIII. finem de re monetaria aut numis scripserunt. Praefat. est Ch. G. Heyne. Vol. I. II. 8. 1801. 3 Thlr.

Luntze, Joh. Gottl., monimentor. typograph. tridecas. 8. 1801. 4 Gr.

Reufs, C. F., Sammlung verschiedener vorz. allg. anwendbar. Feuerordnungen u. Feueranstalten u. s. w. Th. 2. 8. 1801. 16 Gr.

Römers, J. J., Archiv für die Botanik. B. I. 1. 2. 3. Stück. Mit schwarzen und illum. Kupf. 4. 1796--98. 8 Thlr.

B. II. St. 1. 1800. 2 Thlr. 12. St. 2. 1801. 3 Thlr.

St. 3. 1801. m. 1 Kupfert. 2 Thlr. 12 Gr.

V e r l a g s - A n n u n z e n
der

Schäferischen Buchhandlung

in Leipzig

A. Berner'sche, J. chirurg. und physiol. Versuche. Zweyter Band.
Hundert und mit einigen Zusätzen begleitet v. D. C. Kuhn. 8.
1801. 18 Gr.

Familie, die, Welche in ihren glänzenden Tugenden. Ein histor.
nat. Gemälde. Vom Verfasser der Familie Ebell. Th. 3. 8.
1801. 1 Thlr. 12 Gr.

Hart, Jak. van der, auserlesene medicinisch-chirurgische Abhandl. und
Wahrnehmungen. Aus dem Holländ. mit vielen Anmerkungen und
Notizen von D. A. Schmidt. 1. Th. 8. 1801. 12 Gr.

Kuhn, C. F., de exanthemate, quod vulgo variolam vocantum no-
mine infanti sol. commentarius. Part. I. 4. 1801. 12 Gr.

Lipitt, J. G., bibliotheca nummaria f. catal. auctor. qui nunc ad ser-
vum de re monetaria aut numis scripserunt. Praefat. ed. Ch. G.
Heine. Vol. I. II. 8. 1801. 3 Thlr.

Leitz, Joh. Gottf., monumentor. typograph. titulos. 8. 1801. 12 Gr.
Rents, C. F., Sammlung verschiedener vorz. allg. anwendbar. Feuer-
ordnungen u. Feueranstalten u. s. w. Th. 2. 8. 1801. 10 Gr.

Römers, J. J., Archiv für die Botanik. B. I. 1. 2. 3. Stück. Mit folgen-
den und ill. im Kopf. 4. 1796-97. 8 Thlr.
B. II. 2. 1. 1800. 2 Thlr. 12. 2. 1801. 2 Thlr.

St. 3. 1801. mit Kupfert. 2 Thlr. 12 Gr.

Kühn, Carl Gottlob,

De Exanthemate, vulgo variolar, vaccinar, nomine insignito Commentarius

Bd.: 1. (1801)

Lipsia 1801

4 Path. 189 m-1

urn:nbn:de:bvb:12-bsb10367129-6